

序

漢術士魏伯陽著參同契荀爽
虞翻干寶諸儒采以注易後之
言易者未能或之先也蓋魏晉
以前道家之學未嘗不原本聖
人惟是聖人贊化育以天地萬
物為坎離術士鍊精魄以一身
為坎離為較異耳然王鈐經言
求仙者必以忠孝友悌仁信為
本故宋藝文志及道藏皆有太
上感應篇一卷即抱朴子所述
漢世道戒皆君子持己立身之
學其中如三台北斗司命竈神
之屬證諸經傳無不契合勸善

正一天師清微弟子 洪百堅 製作

道教學術資訊網站

之書稱為最古自此以下無譏
焉雍正之初先慈抱病不肖棟
日夜嘗藥又禱於神發願注感
應篇以祈母疾天誘其衷母疾
有間因念此書感應之速欲公
諸同好而未果余友楊君石漁
見之歎曰此書得此注不惟可
以勸善且使後世道家知魏晉
以前求仙之本初未嘗有悖於
聖人反而求之忠孝友悌仁信
之間而致力焉是亦聖人之徒
也其諸君子亦有樂於是歟既
鈐諸版而仍問序於余余嘉楊
君之好善因述注書之由趣而

為之序

乾隆十四年冬日惠棟序

三

詞館分寫本太上感應篇引經箋注

正一天師清微弟子 洪百堅 製作

道教學術資訊網站

序

感應篇者道藏失編天水一朝
始登著錄沈洪稗史間述應徵
自是以還代有賤釋或條疏而
句析或依古以證今祥殃雜占
影響無舛而猥俗厖臃弗懂雅
流定宇先生世嫡博之才精史

漢之學屬以親疾願箋此書抒
軸舊聞組織新旨綴文訂義旁
暢曲通典午清談開離名理繁
手隱々允愜素心保里居日手
此卷間引經說逐條附賤曾付
手民俾廣傳誦而麻沙俗本覽
者憎如匪求高閣即覆醬孰跡

正一天師清微弟子 洪百堅 製作

關心昧啼其惜哉比來京都上
暇退食招集詞館諸君約期攬
輒勵志敦脩妙筆紛綸接札分
寫頌忠抑正聯綴成篇聖則百
袖之琴合良材而發韻千狐之
腋緝精義以呈煥斯上足爭奇
理窟表異藝林已匪直此也上

元啓甲中興肇祥戡亂東南
澆瑩吞舄江漢常武歌頌載作
天地之數以極窮而轉君相之
道以下濟而成春臺熙々劫運
斯挽推溯其故實惟此心然叩
虛以尋理不如循微以造途驚
遠以約束不如遵律以叶度則

誦是編者藉寸語以豁塵抱資
妙翰以利矇翳回象悟法舍筏
求津未嘗非利涉之仙舟与滄
灾之嘉澍也高言令德康平窮
之同治歲次強圉單閼如月既
望順德羅博衍識於京邸宣
過未能之室



三

太上感應篇

元和惠棟定宇箋註

箋註太上者最上之稱春秋正義曲禮曰太上貴德

春秋傳曰太上以德撫民又云太上有立德

經傳言太上者皆謂五帝以前上聖之人真

誥甄命授曰太上者道之子孫審道之本洞

道之根是以為上清真人為老君之師景陶宏

云此即謂太上高聖王晨大道君也又云昔為太極左真人中央黃老君之師

沈桂芬錄

太上以德教老子是以老子道經云太上下

知有之顧懽堂誥堂誥四卷即老子義疏以為太古上

德之人是也是書乃修真者述太上之旨而

為之當在王鈐經易內戒赤松子經河圖記

命待諸書中皆晉以前書抱朴子所述而此篇言道戒尤

闕日用尚德者用茲無悔乃君子之光易背

義者以此思憂禮實小人之福易是以昔人

正一天師清微弟子洪百堅製作

道教學術資訊網站

表而出之名之曰感應夫倡而不和動而不

隨中必有不全者矣故必慎所以感之者新序

有感必應自然之道也

太上曰禍福無門惟人自召春秋傳閻子馬之言無門言同一門

出入

經孟子曰禍福無不自己求之者詩曰永言

配命自求多福太甲曰天作孽猶可違自作

沈桂芬錄

孽不可逭

箋註虞仲翔註易以坤為鬼禍乾為神福乾坤鬼神

神為福鬼為禍是知禍屬陰福屬陽陽為善陰為惡

故禍福以類相從字皆從示示神事也說文天

者神梁穀然則禍福皆天也而不知轉移之者

人也福兮禍伏老子禍與福鄰荀子吉凶同域憂

喜聚門鶡冠子降之者天召之者人禍重於地

福輟於羽羽叶有福不及禍來速我韓非子自

作難活天作猶可

善惡之報如影隨形此言感應之理也影者形動所生

經引書曰惠迪吉從逆凶惟影響

箋虎嘯而谷風生龍興而景雲屬擊庭鐘於

外而黃鐘應於內物類之相感精神之相應

若響之應聲影之象形劉向新序吉凶之於善惡

三 沈桂芬錄

亦猶是也作善降之百祥作不善降之百殃

書積善之家必有余慶積不善之家必有余

殃易聖人之言感應禍福速哉

是以天地有司過之神依人所犯輕重以奪人

算

經引曾子曰十目所視十手所指其嚴乎詩曰

上帝臨汝日鑒在茲書曰作不善降之百殃

算減則貧耗多逢憂患

經引洪範曰威用六極一曰凶短折二曰疾三

曰憂四曰貧五曰惡六曰弱論語曰小人長

戚戚

箋挹朴子案易內戒及赤松子經及河圖記

命符皆云天地有司過之神隨人所犯輕重

以奪其算算減則人貧耗疾病屢逢憂患算

四 沈桂芬錄

盡則人死又對俗篇云上天司命之神察人

過惡其行惡事大者司命奪紀小過奪算合

二文觀之司過即司命之屬也是以禮記祭

法曰王為羣姓立七祀曰司命曰中雷曰國

門曰國行曰泰厲曰戶曰竈鄭康成注云小

神居人之間司察小過作譴告者七祀皆主

察小過故總謂之司過其或謂之司命者七

祀首司命故也

人皆惡之惡去聲

經引論語曰屢憎於人詩曰投畀豺虎豺虎不

食投畀有北有北不受投畀有昊

箋下流乃君子弗居多言為詩人所畏玷汝

南之月旦計勅先注難除六朝敕令並云洗除先注蓋當日鄉

論清議必有記注之目也殊洛邑之井疆書終身不齒禮

五 沈桂芬錄

豈非三代之直道尚在於斯民四凶之不才

載謠於人口乎范蔚宗贊

刑禍隨之官刑鬼禍

經引中庸曰如此者苗及其身者也易曰小人

以小善為無益而弗為也以小惡為無傷而

弗去也故惡積而不可掩罪大而不可解詩

曰昊天不傭降此鞠凶昊天不惠降此大戾

正一天師清微弟子 洪百堅 製作

道教學術資訊網站

箋惟外刑者金木訊之惟內刑者陰陽食之

莊宵人之行事夫各有所當矣兵在其頸國

馬避害也左傳天奪之魄孰逃威也左傳

吉慶避之

經書曰故天棄我不有康食

箋易道以乾為善為祥為福為祿坤為喪為

惡為殺為亂仲翔聖人贊易扶陽抑陰以陽

六 潘祖蔭錄

為君子陰為小人積惡之徒與陰同類故吉

慶避之陽稱吉稱慶也仲翔注易云陽吉陰凶又云陽稱慶也

惡星災之

經詩曰十月之交朔日辛卯日有食之亦孔

之醜日月告凶不用其行煌煌震電不甯不

令書曰狂恆雨若僭恆暘若豫恆燠若急恆

寒若蒙恆風若

箋歲在豕韋長宏識蔡侯之禍星出婺女裨

竈知晉國之凶春秋類蓋德降則是星星隆

則尊德漢惟天時與人事相參斯六賊與五

殘並會六賊五殘皆星名德之不脩讓之何益終逮

於喪亡而已

算盡則死

引易曰既辱且危死期將至

七 潘祖蔭錄

箋抱朴子曰凡人之受命得壽自有稟數所

稟本多則紀算難盡而遲死若所稟本少而

所犯者多則紀算速盡而早斃是則占平公

之疾無過十年驗伯有之亡不能五稔同語左傳

算之盡也何日之有

又有三台北斗神君在人頭上錄人罪惡奪其

紀算

正一天師清微弟子 洪百堅 製作

道教學術資訊網站

引中庸曰鬼神之為德其盛矣乎視之而弗

見聽之而弗聞體物而不可遺洋洋乎如在

其上如在其左右

箋武陵太守星傳曰三台一名天柱上台司

命中台司中下台司祿周禮祭天官書文昌

宮第四星曰司命五曰司中六曰司祿是司

命即三台三台即文昌也祭法王立七祀一

八 潘祖蔭錄

曰司命皇侃禮疏侃六以為文昌第四星非

也司命有二楚辭有大司命少司命七祀之

司命乃少司命也在虛北見星經封禪書荆巫

祠司命漢律祠社司命皆謂少司命也別詳下註

其大司命乃文昌第四星即星傳之上台矣

張君房雲笈七籤曰北斗九星第五丹元星

天之北斗君主命錄籍上總九天諸錄中統

鬼神簿目下領學真兆民命籍諸天諸地無
不總統陶宏景真誥曰鬼官北斗君乃是北
斗之考官此鬼一官又隸九星之精上屬北
晨玉君耳又云鬼官別有北斗君以司生殺
蓋上天北斗有所司察故鬼官亦置此職是
北斗神君亦有二也竊謂顏超所遇斗君亦
鬼官所置者必非天上星辰也

事載樞
神記 漢趙

九 潘祖蔭錄

壹謝友人書曰收之於斗極還之於司命則
三台北斗之說其來久矣

又有三尸神在人身中每到庚申日輒上詣天
曹言人罪過

引中庸曰莫見乎隱莫顯乎微故君子慎其
獨也

注太上三尸中經曰人之腹中各有三尸九

正一天師清微弟子 洪百堅 製作

道教學術資訊網站

蟲為人大害帝以庚申之日上造天帝以記
人之造罪分毫錄奏欲絕人生籍滅人祿命
令人魂死上尸名彭倨在人頭中中尸名彭
質在人腹中下尸名彭矯在人足中玉樞經
注云上尸名青姑中尸名白姑下尸名血姑
抱朴子紫微內戒等書言身中有三尸三尸
之為物雖無形而實魂靈鬼神之屬也欲使
人早死此尸當得作鬼自放縱遊行饗人祭
酎是以每到庚申之日輒上天白司命道人
所為過失真誥協昌期曰凡庚申之日是尸
鬼競亂精神躁擾之日也不可與夫妻同席
及言語面會當清齋不寢警備其日遣諸可
欲太上律科曰庚申日北帝開諸罪門通諸
鬼神訴訟羣魔并集以司天下兆人及諸異

潘祖蔭錄

類善惡之業隨其功過多少賞罰過毫分

不遺

月晦之日竈神亦然

經禮記月令曰孟夏之月其祀竈祭法曰庶

士庶人立一祀或立戶或立竈

箋淮南子萬畢術曰萬畢人姓名見龜策列

卷漢派即高誘所註竈神晦日歸天白人罪

士 于建章錄

御覽竈蒙祀竈解曰竈神以時錄人功過上

白於天當祀之以祈福祥祠竈見上如瀉曰

祀竈可以致福孫子嚴祭竈請比鄰陰子段

成式酉陽雜俎曰竈神名隗又姓張名單夫

人字卿忌有六女皆名察洽察一作治常以

月晦日上天白人罪狀大者奪紀小者奪算

故為天帝督使下為地精己丑日日出卯時

詞館分寫本太上感應篇引經箋注

正一天師清微弟子洪百堅製作

道教學術資訊網站

上天禹中下行署此日祭得福其屬神有天

帝嬌孫天帝大夫天帝都尉天帝長兄砌上

童子突上紫官君太和君玉池夫人等一曰

竈神名壤子也雖五行書曰竈神名禪禪單

近蓋禪讀為單莊子曰竈有髻司馬彪曰髻

竈神也李軌音吉杜公瞻引五經異義曰竈

姓蘇名吉利婦字子郭衣黃衣赤衣狀如美

士 于建章錄

凡人有過大則奪紀小則奪算

經中庸曰傾者覆之書曰天難諶命靡常

箋抱朴子曰但有惡心而無惡迹者奪算若

惡事而損於人者奪紀紀算之說其來遠矣

初學記引河圖曰河圖洛書共四十五黃帝

曰凡人生一日天帝賜算三萬六千賜紀二

十聖人得三萬六千七百二十凡人得三萬

六千一紀主一歲聖人加七百二十又云孝

順二親得算二千天司祿所表事賜算中功

抱朴子曰紀者三百日也段成式亦云算者三日

也孫思邈亦云李昌齡傳曰紀之為說一云十二

年此俗說一云三百日算之為說一云百日段成式

式一云一日棟謂人上壽百二十依河圖之

說算主百年紀主二十年合於上壽則算為

一日近之

其過大小有數百事欲求長生者先須避之

引孟子曰夭壽不貳脩身以俟之書曰天壽

平格又曰非天天民民終絕命

箋抱朴子曰諸應奪算者有數百事不可具

論玉鈴經曰欲求仙者當以忠孝友悌仁信

為本若行不脩而但求元道無益也又云立

三

于建章錄

正一天師清微弟子 洪百堅 製作

道教學術資訊網站

功為上除過次之

是道則進非道則退

引中庸曰率性之謂道脩道之謂教道也者

不可須臾離也可離非道也論語曰誰能出

不由戶何莫由斯道也

箋薰蕕不同器邪正不並容目不兩視而明

耳不兩聽而聰指不揆於是非則有多歧之

五

于建章錄

患不審於進退則有羸角之凶易是以君子

務以道為折衷也

不履邪徑

引論語曰子游曰有澹臺滅明者行不由徑

子曰非禮勿視非禮勿聽非禮勿言非禮勿

動孟子曰夫義路也禮門也惟君子能由是

路出入是門也

箋野廬氏禁野之橫行徑踰者為防奸也禮

君子之所由有義路有禮門唯其行之卓卓

故能履之坦坦若大道甚夷而人偏好徑狹

射邪趨疾鄭康成語橫奔失路楚辭一蹉足時終身

莫贖矣

不欺暗室

引大學所謂誠其意者毋自欺也如惡惡臭

圭

子建章錄

如好好色此之謂自謙故君子必慎其獨也

中庸君子戒慎乎其所不睹恐懼乎其所不

聞

箋室有屋漏天有旦明審爾動靜及爾出王

明叶芒事無幽而不顯行無隱而不彰是以

顏回不改容於夜浴蘧蘧不變節於宵行叶

劉書夫唯瑩靈臺之方寸自能止虛室之吉

正一天師清微弟子 洪百堅 製作

道教學術資訊網站

祥也莊子

積德累功

引左傳曰明德之後必有達人書曰好生之

德洽于民心又曰成允成功易曰君子體仁

足以長人又曰善不積不足以成名

箋無憤憤之志者無昭昭之明無綿綿之事

者無赫赫之功禮大戴蓋德不積不崇功不累

十三

徐郁錄

不廣積土成山風雨興焉積水成淵蛟龍生

焉積善成德而神明自得聖心備矣荀子

慈心於物慈心即不忍之物兼人物言

引孟子曰親親而仁民仁民而愛物

箋毛之在躬拔之則痛周書指之在臂斲之則

號莊子身且如此物亦宜然本之為慈推之為

恩施諸民則為仁及於物則為愛皆心為之

也心和則氣和氣和則形和漢書仁者之壽考
美意之延年荀子非其驗歟

忠孝友悌

引論語曰臣事君以忠又曰弟子入則孝出
則弟又曰事父母能竭其力事君能致其身
書曰惟孝友于兄弟詩曰因心則友

箋臣之事君無逃於天地子之愛親不可解

七 徐邈錄

於心莊子兄弟者其初一人之身也蘇洵臣忠

子孝兄友弟悌所謂天之經也地之義也民

之行也雖然吾竊謂君子之道四教孝為先

天下之大戒二莊子安親為始孝經緯曰求忠

臣必於孝子之門春秋傳曰子之能仕父教

之忠未有孝而不忠者也書曰孝乎惟孝友

于兄弟未有孝而不弟者也漢制使天下誦

正一天師清微弟子 洪百堅 製作

道教學術資訊網站

孝經選吏舉孝廉荀爽對策而當時人材特盛忠
孝成俗非崇本之效歟

正己化人

引論語曰其身正不令而行又曰一日克己
復禮天下歸仁焉孟子曰有大人者正己而
物正者也

箋表曲則影邪源清則流潔其身不正而能

六 徐邈錄

化及天下者未之有也素書曰釋己而教人
者逆正己而化人者順是故正己而物正大
人之事也

矜孤恤寡

引孟子曰老而無妻曰鰥老而無夫曰寡老
而無子曰獨幼而無父曰孤此四者天下之
窮民而無告者文王發政施仁必先斯四者

箋藐孤之意曾不知悲恤緯之心每懷無告

是以君子之絜矩務在恤孤先王之啟監至於屬婦惟施恩於不報其利溥哉知發政之必先為惠大矣

敬老懷幼

引論語曰老者安之朋友信之少者懷之孟子曰老吾老以及人之老幼吾幼以及人之

幼

箋貴老謂其近於父也慈幼謂其近於子也

禮舉斯心而加諸彼乃謂推恩已不欲而勿施人方能行恕蓋老安少懷之志天子非有餘匹夫非不足惟力行何如耳

昆蟲草木猶不可傷

昆蟲也古文作蟲從二虫蟲之總名也

引中庸曰萬物育焉禮記曰草木零落然後

正一天師清微弟子 洪百堅 製作

道教學術資訊網站

入山林昆蟲未蟄不以火田

箋帝舜使伯益掌草木鳥獸名其官曰朕虞

本鄭氏蓋以萬物為一體也草木有生而無

知昆蟲有知而無義本荀子而皆秉天地之大

德而生是故蟲舍蛻蜋山不槎斲魯語聖王以

之立政啟蟄不殺方長不折禮君子以之律

身

宜憫人之凶

引易曰吉凶與民同患詩曰凡民有喪匍匐

救之

箋惟狂未聞克念書遂入禽門法言怙惡莫有

悛容二字見左傳流為凶族第思饑年之多暴非

天殊於降才夜氣之怙亡豈是人之本性孟子

是故作凶事為凶人左傳常人之所畏也賢人

之所惡也聖人之所悲也

樂人之善

引論語曰樂道人之善孟子曰大舜有大焉

善與人同舍己從人樂取於人以為善取諸

人以為善是與人為善者也

注君子已能亦樂人之能也已善亦樂人之

善也禮龐士元拔十失五猶足為歡孔文

三

夏同善錄

舉去短稱長尚堪同調

俱見本傳

惟秉彝之良不

異斯懿德之好無私鶴之在陰自相鳴和易

蘭之同臭易豈有差池

左傳

宏長道業其在斯

乎

濟人之急

引論語曰君子周急不繼富

救人之危

引孟子曰救民於水火之中又曰疾病相扶持

注枯魚在肆仰升斗之無由窮鳥入懷望

彈丸而知畏趙壹物猶如此人何以堪雖君

子之固窮論語相賙為義唯善人之在患弗救

不祥晉語昔人所云飢食而寒衣墨生死而肉

骨左傳非仁心為質者漢曷能如此哉

三

夏同善錄

見人之得如己之得見人之失如己之失

引論語曰見賢思齊焉見不賢而內自省也

孟子曰禹思天下有溺者由己溺之也稷思

天下有飢者由己飢之也書曰疇瘵乃身

注有虞之君使天下貢善其治天下見人有

善若已有善見人有過如已有過此有虞氏

盛德也皆見尸子夫舜之立心如此所以和五典

而無違教賓四門而無凶人亦思舜何人也

予何人也有為者亦若是而已

不彰人短

經引中庸曰隱惡而揚善

箋蓋失數美在人之恆情是故接物之道不

貴其能察貴其能容君子賢而能容罷音知

而能容愚博而能容淺粹而能容雜荀惟有

夏同善錄

容而後知德之大也惟能容而後知量之遠

也

不銜已長街說文作街行而買也

經引中庸曰衣錦尚絅惡其文之著也故君子

之道闇然而日章小人之道的然而日亡論

語曰願無伐善無施勞書曰汝惟不矜天下

莫與汝爭能汝惟不伐天下莫與汝爭功禮

正一天師清微弟子 洪百堅 製作

道教學術資訊網站

記曰君子不自大其事不自上其功

箋人各有能物各有技深則藏淺則露舒張

質物劉達行而且買說文市人皆掉臂而不顧

史乃知一得之不足稱偏長之不足恃也吾

聞良賈深藏若虛君子盛德容貌若愚史記

技能非全才尤當宏此遠謨也

過惡揚善易大有之辭

夏同善錄

經引易曰君子以過惡揚善順天休命

箋火天之象無所不照大有之義無所不包

君子法卦象以察物而分善別惡人無遁情

師卦義以容人而過匿褒揚人皆喻志公此

順天休命之道也說本

推多取少推吐雷反雲爻七歲老君崇

經引禮記曰分無求多又曰君子貴人而賤已

先民而後已則民作讓

箋讓德之主也爭亂之端也魯國男兒尚知

梨孔安邱博士豈識羊肥宇甄當由欲者不

多是以取之忘少本世知此者可以息爭可

以興讓

受辱不怨老君崇百藥曰受辱不怨是一藥

引孟子曰有人於此其待我以橫逆則君子

必自反也書曰必有忍乃其有濟有容德乃

大

箋以白造緇曰辱鄭氏儀禮註身本潔白而隨以

汙辱呂覽宜其怨矣雖然有義辱者有勢辱者

犯分亂理辱由中出謂之義辱詈侮搏辱

自外至謂之勢辱子義辱為辱勢辱不足辱

何怨之有夫惟不怨是以寡怨

正一天師清微弟子 洪百堅 製作

道教學術資訊網站

受寵若驚

引書曰臣罔以寵利居成功又曰居寵思危

罔不惟畏

箋高位實疾債漢書厚味實腊毒厚味喻重祿以上見

語子家懷思於魯人亦謀之公子懼選於秦

天所贊也左蓋賢者寵至而益戒不足者為

寵驕晉語雖危而無咎者其三之乾乾乎以恐

而致福者其初之號號乎易

施恩不求報曲禮曰太上貴德其次務施報謂太上之世施而不思報其次謂三

王之世施則望報也老君崇百藥曰施不望報是一藥

引易曰君子以施祿及下居德則忌禮記曰

推賢而進達之不望其報

箋此太上之行也天地有覆載之恩父母有

鞠育之恩然物不答施於天地子不謝生於

父母者三國志以天地之量大父母之情深也

太上具天地父母之心奪之不以為損予之

不以為益愛之不自以為仁利之不自以為

利所謂下知有之者也其次奪之知損予之

知益愛之為仁利之為義所謂親之譽之者

也七經小傳

與人不追悔

三七

吳鴻恩錄

引論語曰求仁而得仁又何怨孟子曰樂善

不倦

箋易曰有孚惠心勿問元吉蓋為益之大莫

大於信為惠之大莫大於心王弼注益而有孚

惠而以心何悔之有唯不追悔是以無悔吉

又何之矣

所謂善人

正一天師清微弟子 洪百堅 製作
道教學術資訊網站

引論語曰善人吾不得而見之矣得見有恒

者斯可矣

箋禹稱善人左傳為無惡也論語朱註行惡見樂為

惡未熟至其惡熟自見受苦行善見苦為善

未熟至其善熟自見受樂成實論然則李氏之

惡已熟漢書五其中必苦國語東平之善最樂

書後漢書亦在乎熟也孟子

三八

吳鴻恩錄

人皆敬之

引孟子曰敬人者人恒敬之詩曰高山仰止

景行行止

箋人無有不善善人者民之望也君子見而

改容小人聞而革面敬人者人恒敬之盛德

之所致也

天道佑之

引易曰自天祐之吉無不利

箋天道無親常與善人郎顗引易云亦見太公金匱及說苑金人

銘善人天地之紀也左傳是以自天祐之吉無

不利也

福祿隨之

引詩曰樂只君子福祿綏之又曰百祿是荷

箋福者天之所錫也祿者人之所受也好德

錫福書令德受祿詩天之道也

衆邪遠之達于萬切

引詩曰雨雪瀼瀼見睍曰消禮記曰民無凶

飢妖孽之疾左傳曰妖由人興也人無釁焉

妖不自作又曰民入川澤山林不逢不若魑

魅魍魎莫能逢之

箋義厭伊葉切不惠德勝不祥漢書鬼不神于有

正一天師清微弟子 洪百堅 製作

道教學術資訊網站

道妖不作於守常左傳乃知庶疫剛痺剛卯中

不在逐惡古語之殺段音亥而在制行之

直方也段段人剛卯也辟邪之印以正為之也說文

神靈衛之

引詩曰神之聽之式穀以汝左傳曰神所憑

依將在德矣

箋神者聰明正直而壹者也惟仁是福惟德

是依左傳昔者三苗之亂天命殛之夏后受

之天神降而輔之司祿益食而民不飢司金

益富而國家實司命益年而民不夭見隋書

其事也

所作必成

引詩曰左之左之君子宜之右之右之君子

有之又曰聲無不宜

註同心為善善必成同心為惡惡必成何休公羊

註名將成而物敗之者偽也有所欲而天必

從者誠也至德之貴何往不遂至德之榮何

往不成徐幹中論

神仙可冀

引中庸曰可以贊天地之化育則可以與天

地參矣又曰故至誠如神

三
崇
綺
錄

註抱朴子曰覽諸道戒無不云欲求長生者

必欲積善立功慈心於物恕己及人仁逮昆

蟲樂人之吉愍人之苦苦疑當作凶謂凶事也賙人之

急救人之窮手不傷生口不勸禍見人之得

如己之得見人之失如己之失不自貴不自

譽不疾妬勝己不嫉詔陰賊如此乃為有德

受福於天所作必成求仙可冀也以上抱朴子

詞館分寫本太上感應篇引經箋注

正一天師清微弟子 洪百堅 製作

道教學術資訊網站

王陟而在上計殺為明神傳黃帝合而不

死諛去而上仙豈虛語哉

欲求天仙者當立一千三百善欲求地仙者當

立三百善

引論語曰譬如平地雖履一簣進吾往也易

曰君子以順德積小以高大

註天數十二左傳言一千三百非其次三當為

三
崇
綺
錄

二字之誤也抱朴子曰聞之先師云仙人或

昇天或住地要於俱長生玉鈴經鈴疑作鈴曰人

欲地仙當立三百善欲天仙當立千二百善

若有千一百九十九善而忽復中行一惡則

盡失前善乃當復更起善數耳以上皆抱朴子真誥

甄命授曰積功滿千雖有過亦得仙功滿三

百而過不足相補者于仙功滿二百者孫仙

一二一七五

子無過又無功德藉先人功德便得仙所謂

先人餘慶其無志多過者可得富貴仙不可

冀也

苟或非義而動背理而行

經引書曰以義制事以禮制心

箋自此至殺龜打蛇皆承上大小數百事而

言此統言之下乃析言之種樹畜養不見其

三國崇綺錄

益有時而大磨礱砥礪不見其損有時而盡

積德累行不知其善有時而用棄義背理不

知其惡有時而亡語杖乘然則何以辨之曰福

生有基禍生有胎納其基絕其胎禍何自來

上同

以惡為能

經引詩曰方茂爾惡相爾矛矣

忍作殘害

經引孟子曰無惻隱之心非人也又曰天人性惟

恐不傷人又曰靡爛其民而戰之詩曰相彼

投兔尚或先之行有死人尚或謹之君子秉

心惟其忍之

箋以苛為察以切為明以刻為忠以計多為

功以聚斂為良此中行氏之所以先亡也序

三國崇綺錄

淮南韓商之道其用民也殘其養民也狹施

之於亂世可以徼利事平則受其禍矣班馮昔

人譬之廓革者廓之大則大矣裂之道也淮南

子

陰賊良善

經引詩曰不愧於人不畏於天又曰彼譖人者

亦已太甚又曰如蠻如髦我是用憂

箋伯宗晉之善人而三卻害之卻宛楚之良也而無極譏之陰賊之禍烈矣然長魚偽訟而卻氏尸朝進胙興謗而費氏族滅俱見左傳天怨不旋日人怨不旋踵韓詩外傳信哉

暗侮君親

引論語曰今之孝者是謂能養不敬何以別乎孟子曰齊人無以仁義與王言者豈以仁

聖崇綺錄

義為不美也其心曰是何足與言仁義也云爾則不敬莫大乎是

箋萬石俯嘗君食固西漢之家風子通跪讀

父書實東吳之遺教顧惟誠敬之兼盡斯忠

孝之無虧故戒以勿欺本純臣之事見其不

是陳忠肅語乃逆節之階名義大防安得不於此

謹之

慢其先生

引論語曰子曰吾見其居於位也見其與先生並行也非求益者也禮記曰年長以倍則父事之十年以長則兄事之五年以長則肩隨之又曰先生書策琴瑟在前坐而遷之戒勿越從於先生不越路而與人言遭先生於道趨而進正立拱手先生與之言則對不與

三六胡瑞淵錄

之言則趨而退孟子曰疾行先長者謂之不悌

箋先生者先醒也譬猶俱醉而獨先發也故

世有先醒者有後醒者有不醒者新書少年喜

謗前輩新進每狎老成此何異醉而新寐殊

無足與言者乎鹽鐵論

叛其所事

經引論語曰子路曰桓公殺公子糾召忽死之

管仲不死曰未仁乎詩曰夙夜匪懈以事一

人禮記曰事君可貴可賤可富可貧可生可

殺而不可使為亂孟子曰子之兄弟事之數

十年師死而遂倍之

箋牛馬維維繫馬委己者也委餉而柔馬

柔服也公羊傳而況人乎納棄妻而論前壻之惡買

三毛胡瑞瀾錄

僕虜而毀故主之暴抱朴斧鉞刀鋸之民語周

猶知鄙夷而不屑之豈有輕狡反覆負恩微

利如漢之呂奉先晉之劉牢之者

誑諸無識

經引孟子曰中也養不中才也養不才禮記曰

賢則親之無能則憐之

箋矜不能而教不及長者之行也若朝三而

正一天師清微弟子 洪百堅 製作

道教學術資訊網站

暮四朝四而暮三名實不虧而能御衆狙之

喜怒豈所以籠羣愚者哉莊子其愚我也子

其聾我也子其盲我也列子善乎楞嚴經之語

曰眩惑無識死後當墮無間矣

誑諸同學

經引論語曰攻其惡無攻人之惡又曰朋友切

切偲偲又曰忠告而善道之

三毛胡瑞瀾錄

箋君子之與人也面誦其短而退稱其長漢後

書蓋責善為朋友之道故不厭箴規如內不

相訓而外相謗非親睦也家語況明友之薄而

已不得厚揚友之辱而已不得榮此一舉而

兩失也策戰國記曰君子絕交不出惡聲交絕

猶然况投分之友乎

虛誣詐偽

引論語曰子曰人而無信不知其可也又曰

人而無恆不可以作巫醫又曰周之生也幸

而免又曰亡而為有虛而為盈約而為泰難

乎有恆矣孟子曰為機變之巧者無所用取

焉易曰不恆其德或承之羞書曰恭儉惟德

無載爾偽作德心逸日休作偽心勞日拙

箋詩云神之弔矣詒爾多福民之質矣日用

三八 胡瑞瀾錄

飲食夫使機械日生而姦偽並起上下相遁

神奚自而降福乎有起信險膚之族則高后

崇降弗祥盤庚有講張為幻之民則嗣王罔或

克壽無遠是故有道之世人醇工龐商樸女重

淮南上下皆有嘉德至治馨香感於神明矣

錄日知虛而為盈或承之羞誣善之人其辭必

游魏懲變詐垂為定律魏分漢律為詐偽無律見晉書刑法志

載爾偽心勞日拙

攻訐宗親

引詩曰兄弟鬩于牆外禦其侮又曰兄弟婚

姻無胥遠矣

箋宗有遠近同此淵源親有親疏無非瓜葛

二字出後漢志及獨斷所當致其愛敬處以忠誠若因

一事之乖片言之忤遂翻焉易志修爾甘心

三九 胡瑞瀾錄

甚者加之攻擊發彼陰私以此施諸宗是自

廢其本也左傳施諸親是自翦其翼也左傳捷則

非功敗為有喪南史反義悖德莫大於是

剛強不仁

引論語曰子曰勇而無禮則亂南宮适問於

孔子曰羿善射奭盪舟俱不得其死然書曰

彊弗友剛克

箋齒之堅也六十而盡相靡也戰國策天為剛

德猶不干時左傳彊毅果敢而甚不仁知伯之

所以滅其宗也晉語昔人謂不仁之質勝則彊

猛為禍梯人物志信哉李昌齡傳曰孔子以剛

為近仁太上以剛為不仁言豈相戾哉聖人

所取之剛剛於理者也太上所戒之剛剛於

氣者也天錫此註即周子剛有善惡之說

聖

劉瑞祺錄

很戾自用

經引論語曰子曰暴虎馮河死而無悔者吾不

與也孟子曰夫苟不好善則人將曰訑訑子

既已知之矣訑訑之聲音顏色距人於千里

之外易曰君子用壯小人用罔貞厲羝羊觸

藩羸其角禮曰很毋求勝

箋迷者不問路溺者不問隄徑亡人好獨子

正一天師清微弟子 洪百堅 製作

道教學術資訊網站

是以君子不鏡於水而鏡於人鏡於水見面

之容鏡於人知吉與凶禮記不是師法而好自

用者此譬之以盲辨色以聾辨聲舍亂妄無

為矣子羝羸角之羊窮於進退焚巢之鳥終見

號咷雖很戾何益耶

是非不當

經引論語曰子曰吾之於人也誰毀誰譽如有

聖

劉瑞祺錄

所譽者其有所試矣詩曰謀臧不從不臧覆

用我視謀猷亦孔之印

向背乖宜

經引大學曰好人之所惡惡人之所好是謂拂

人之性荀子菑必逮夫身又曰舉直錯諸枉則民

服舉枉錯諸直則民不服易曰比之匪人不

亦傷乎

箋懷迷罔之疾者行非以為是視白以為黑
天地四方無不倒錯列若猶是人也亦道其
常而已好人所惡而惡人所好則拂性適以
取災厚其所薄而薄其所厚則處家適以致
亂是非向背之間可不審哉

虐下取功

經引孟子曰凶年飢歲君之民老弱轉乎溝壑

聖

劉瑞祺錄

壯者散而之四方者幾千人矣有司莫以告
是上慢而殘下也又曰善戰者服上刑

諂上希旨

經引孟子曰求也為季氏宰無能改於其德而
賦粟倍他日孔子曰求非我徒也小子鳴鼓
而攻之可也又曰長君之惡其罪小逢君之
惡其罪大

正一天師清微弟子 洪百堅 製作

道教學術資訊網站

箋君子之所當撫恤者下也所當匡正者上
也以不教殺人謂之虐以不善先人謂之諂
苟浚民膏以課最豈是良臣揆主意以扶非
抱朴定非俊物一事增制永為故事之循一
語慙慙養成在上之惡蠹國病民誰之咎歟
受恩不感

經引論語曰子曰以德報德禮記曰以怨報德

聖

劉瑞祺錄

則刑戮之民也又曰來而不往亦非禮也

忿怨不休

經引論語曰以直報怨又曰伯夷叔齊不念舊
惡怨是用希又曰犯而不校中庸曰寬柔以
教不報無道

箋先軫未報秦施致罹狄難子常惟思舊怨
遂覆荆尸左蓋父人必豐是為有禮父報也
周語

舊惡不念惟在古賢論語是故大德滅小怨左傳

寬身之仁也禮小怨置大德語刑戮之民也

禮

輕蔑天民天民出王制

引論語曰式負版者子曰使民如承大祭書

曰王司敬民

箋天生民而立之君使司牧之勿使失性左傳

墨

劉瑞祺錄

故職曰天職爵曰天爵民曰天民秋官司民

獻民數於王王拜受之登於天府重之至矣

撫我則后虐我則讐書天之愛民甚矣豈其

使一人肆於民上而棄天地之性必不然矣

擾亂國政

引書曰率自中無作聰明亂舊章詩曰不愆

不忘率由舊章

譏利不什不易業功不百不變更是以古之

人君謀事必就祖發政占古語重作事也辯

國乃或求治太急用人太驟東坡語以聰明亂

其舊章愆忘易其成憲譬烹鮮而撓之治絲

而棼之害家凶國所傷實多陸象先嘗謂天

下本自無事但庸人擾之為煩耳唐書本傳

賞及非義

聖五黃錫彤錄

引書曰官不及私昵惟其能爵罔及惡德惟

其賢又曰于其無好德汝雖錫之福其作汝

用咎

刑及無辜

引論語曰刑罰不中則民無所措手足書曰

與其殺不辜寧失不經又曰殺戮無辜上帝

弗蠲降咎于苗詩曰哀我填寡宜岸宜獄禮

記曰命有司申嚴百刑斬殺必當毋或枉撓枉撓不當反受其殃

護善為國者賞不僭而刑不濫賞僭則懼及淫人刑濫則懼及善人不僭不濫成湯之所
以獲天福也仇賞無功謂之亂晏伐無罪謂之酷素亂則舉枉錯直而民不服枉錯直上酷則頗類放紛傳左而民無所措手足

四十六 黃錫彤錄

殺人取財

方言曰殺人而取其財曰怵力南反

經孟子曰康誥曰殺越人于貨閔不畏死凡民罔弗慙是不待教而誅者也

傾人取位

經易曰晉如鼫鼠貞厲象曰鼫鼠貞厲位不當也詩曰捷捷幡幡謀欲諧言豈不爾受既其汝遷

正一天師清微弟子 洪百堅 製作

道教學術資訊網站

護殺人取財心計之臣也傾人取位傾危之士也心計之臣酷以濟其貪傾危之士奸以行其險此傳所云以讒慝貪怵事君而多殺不辜怨讐已多其能免乎

誅降戮服

經論語曰子曰遠人不服則修文德以來之既來之則安之書曰弗迓克奔

四十七 黃錫彤錄

箋聖人不得已而用兵所以除草竊靖邊疆

也當其助虐侵陵罪當誅戮苟泥首歸誠宜推心置腹令反側子自安耳後漢書弄潢池之

兵諒非民志烈崐岡之火亦豈君心真山語西古

人云誅降者殃及三世又曰禍莫大於殺已

降記為將者思之

貶正排賢

經大學曰秦誓曰人之有技媚嫉以惡之人之彥聖而違之俾不通

註人臣莫難於無妬而進賢戰國策是故進賢

達能謂之大夫大夫之為言大扶進人者也

通白虎蔽公者謂之昧隱良者謂之妬妬昧之

人國家有之則為蔽孽荀子仁人見之屏諸四

夷莊氏之酒酸抑有由也韓非子宋之沽酒者有莊氏其酒常

四十八黃錫彤錄

美或使往沽其狗斲人使者不敢往於是莊氏之酒酸夫大臣而斲有道之士此亦猛狗也東閭之行乞豈徒然哉說苑曰東閭子嘗富貴而後乞人問之曰公何為如是曰吾自知吾嘗相六七年未嘗薦一人也

凌孤逼寡

經書曰不虐無告又曰不敢侮鰥寡

註青燈殘婦有子未孩蓬室孀妻遺男始斲

列無中人之恆產即天下之窮民帝王且欲

正一天師清微弟子 洪百堅 製作

道教學術資訊網站

施仁行路豈能無惻夫因利而弱人之孤虐

人之娼崔子玉清河王誅云惠于娼娼丁度集韻娼嫖也是之謂賤

丈夫人如此者狗猪不食其餘王莽

棄法受賂

經書曰五過之疵惟官惟反惟內惟貨惟來

其罪惟均又曰獄貨非寶惟府辜功報以庶

尤

四十九黃錫彤錄

註古文尚書呂刑曰五過之疵維貨維來馬

融曰求請賕也漢法盜律有受賕枉法之科

漢律盜篇罪至死又贓吏子孫不得察舉唐蕭何所撰

睿宗太極元年制官典主司枉法贓一匹已

上並先決一百而改元及南郊赦文大辟罪

已下咸赦除之官典犯贓不在此限宋初南

郊大赦十惡故劫殺及官吏受贓者不原是

知亂政同位商后作其丕刑盤食以敗官夏

書訓之必殺夏書曰啓墨職殺貪三代以來

罔不由此道者錄曰知彼黷債腐民之徒即不

顧天理獨不畏國法耶

以直為曲以曲為直

經引書曰惟明克允又曰咸庶中正

箋直者刑所不加曲者法所不宥有如王子

至張之洞錄

爭囚而州犁上下伯與坐獄而范宣左右類

賦遂使直如矢者周內以深文曲如鈞者虧

除於漏網即絕請寄而憑臆斷五聽已頗倘

受獄債而府辜切庶尤必報

入輕為重

經引書曰罪疑惟輕

箋廷尉者天下之平也壹傾天下用法皆為

詞館分寫本太上感應篇引經箋注

正一天師清微弟子洪百堅製作

道教學術資訊網站

之輕重民安所錯其手足乎漢是以古之人

郵罰刑決獄折中韓詩外傳所以即天倫也

制如生議而予之死比漢下刑而傳以上刑

書輯小過成大辟加詆欺違明詔薛宣聖王

不以怒加刑天罰不極其在是乎

見殺加怒

經引曾子曰如得其情則哀矜而勿喜

至張之洞錄

箋死者不可復生刑者不可湏屬古之聖王

或下車而泣之或徹樂以悲之誠不忍之至

也乃成獄報囚輒加嚴暴語家祥刑之意安在

乎孔子曰用法一也思仁恕則樹德加嚴暴

則樹怨可不慎乎

知過不改

經引論語曰子曰過而不改是謂過矣子夏曰

一二一八五

小人之過也必文

知善不為

引論語曰子曰見義不為無勇也又曰子路

有聞未之能行惟恐有聞

箋易繫辭曰善不積不足以成名惡不積不

足以滅身小人以小善為無益而不為也以

小惡為無傷而不去也故惡積而不可掩罪

五
張之洞錄

大而不可解易曰何校滅耳凶

自罪引他

他涉何切

引禮記曰過則稱己則怨蓋寡

箋卻克與韓厥分謗高允為崔浩引罪古人

直諒不以死生易其辭夫犯禍對曹乃其自

取不思痛心刻骨反欲虛引他人以圖自免

究之良與之家向本鄭雖遭毒手二字見貫

盈之罪終伏歐刀句見漢書亦何益之有耶

鹽寒方術

引禮記曰曲藝皆指之以待又語

箋墨子進齊道達日者中行在魯夢值巫舉

會方士於旗亭褚先生問楚人於東市司馬

能探抽冥蹟參驗人區范蔚宗語若乃斥以卑污

比之賤賤日者列傳至使知星宿者無望覆衣日

五
張之洞錄

知星宿水不遺索筮等者幾為奪精音亦通人之蔽

句本而感德之累也宋忠賈誼前事可鑒者

矣

訕謗聖賢

宋本作賢聖把朴子作聖賢

引論語曰子曰小人不知天命而不畏也狎

大人侮聖人之言又曰叔孫武叔毀仲尼子

貢曰無以為也仲尼不可毀也他人之賢者

正一天師清微弟子 洪百堅 製作

道教學術資訊網站

邱陵也猶可踰也仲尼日月也無得而踰焉
人雖欲自絕其何傷於日月乎多見其不知
量也

箋仲壬小子偏成間孔之篇論術九卷孫況老師

獨有賤儒之論見非十亦思非聖無法經有

科條非聖無法見孝經漢律亦有是條何休注公羊曰無尊上非聖人不孝者斬首

之象訾變蔽明傳垂大戒訾毀賢變譽且朝士惡見管子

五四張之洞錄

之毀何傷日月羣兒之謫空笑蚍蜉昌黎詩祇

見其不知量也古文多祇通

侵凌道德

引書曰侮聖言逆忠直遠者德比頑童時謂

亂風又曰昏迷不恭侮慢自賢反道敗德

箋有物混成先天地生曰道德者得也道生

萬物有得獲有故名德道生之德畜之長之

正一天師清微弟子 洪百堅 製作

道教學術資訊網站

育之成之熟之養之覆之是以萬物莫不尊

道而貴德下士聞道大笑之此侵凌之所由

至也抱朴子作傷殘道士義亦相近戮鼓琴

之于吉孫策謬誅捕屈膝之左慈曹瞞無識

蓋異術之士亦有不可誣者也

射飛逐走發熱驚棲填穴覆巢傷胎破卵

引禮曰國君春田不圍澤大夫不拊羣士不

五十五黃雅芳錄

取麇卵又曰昆蟲未蟄不可以火田不麇不

卵不殺胎不殀天不覆巢又曰犧牲毋用牝

毋覆巢毋殺孩蟲胎夭飛鳥

箋宋齊邱化書曰禽獸蟲蟻之於人也何異

有巢穴之居有夫婦之配有父子之性有死

生之情鳥反哺為仁隼憫胎為義蜂有君為

禮羊跪乳為智雉不再接為信若夫焚其巢

穴非仁也奪其親愛非義也以斯為享非禮也教民殘暴非智也使萬物懷疑非信也夫羶毚之慾不止殺害之機不已羽毛雖無言必狀我為貪狼之與封豕鱗介雖無知必名我為長鯨之與巨虺也何為自安焉得不恥吁直疑自古無君子

願人有失

五王黃體芳錄

引禮曰雖危起居竟信其志猶將不忘百姓之病

註願人有得未必得也願人有失未必失也而臧否分矣今有燎者於此一人奉水將灌之一人操火將益之功皆未至雖然吾嘉彼奉水者之意而惡夫操火者之心也墨願人有失亦猶是耳

正一天師清微弟子 洪百堅 製作

道教學術資訊網站

毀人成功

老君說百病曰敗人成功是一病

引禮記曰美人之功以求下賢

註陳湯斬郅支班超定西域厥功茂矣而匡衡一言卒從吏議李邑盛毀遂去其妻小人之好議論不樂成人之美如此哉然史稱偉績高此兩人人笑李匡至今齒冷毀人者安在耶

五王黃體芳錄

危人自安

引禮記曰患難相死也久相待也遠相致也

註勢有難全者則瀕人於危而弗顧非憎人也自安之道在乎此也豈知天道好還危人適以自危越絕書曰危人自安君子弗為抱朴子曰背仁義之正途苟危人以自安者凶人也

滅人自益

引孟子曰徒取諸彼以與此然且仁者不為

易曰損上益下民說無疆又曰天道惡盈書

曰滿招損

箋孔子言不祥有五損人而益己一不祥也

序新盜愛其室不愛異室故竊異室以利其室

賊愛其身不愛人故賊人以利其身子墨損人

五元黃體芳錄

而益己乃盜賊之心也吾聞釜鼓滿者人概

之人滿者天概之璿可不懼哉

以惡易好

引禮曰觴酒豆肉讓而受惡

箋好讀為和好之好數世之與國一朝而背

之盟心之密友轉眼而讐之非惑於利即構

於讒獨不思同好而奔惡左傳福之基也與惡

詞館分寫本太上感應篇引經箋注

正一天師清微弟子 洪百堅 製作

道教學術資訊網站

而奔好左傳禍之胎也迨夫兵已交而莫解怨

已積而難排後雖悔之不可食已左傳

以私廢公老君說百病曰以私亂公是一病

引書曰以公滅私民其允懷

箋倉頡之作書也自營者營一作環謂之公公古私字

背公者謂之公公之相背也倉頡已知之

矣韓非是故君子不以一己之私情妨天下

五元黃體芳錄

之公理忘私者直也漢書公爾忘私滅私者德也尚書

滅私害公者逆也詩毛傳君子不以私害公廢公者惡也

託公濟私者賊也

竊人之能

引禮記曰毋勦說

蔽人之善

引禮記曰彰人之善

一二一八九

箋人有能而吾竊之可恥孰甚焉人有善而

吾蔽之不祥莫大焉且而不聞攘善者無績

范甯註梁揚善者有後乎班固以伯宗之

賢而遇讒三卻攘善者之言也梁以張湯之

酷而珥貂七葉揚兒寬之奏也漢

形人之醜李傳以醜為醜行

引禮記曰君子不以其所能者病人不以人

李孫詒經錄

之所不能者媿人

許人之私

引論語曰子曰惡稱人之惡者子貢曰惡許

以為直者

箋因戲而形容人之醜行戲而虐矣因爭而

攻發人之陰私爭而亂矣狀之逼真令人失

笑能無折終身之福乎揭之無道令人掩耳

能無啓殺身之禍乎

耗人貨財

引論語曰放於利而行多怨詩曰碩鼠碩鼠

無食我黍

箋富無經業則貨無常主史記有耗之者也手

編葉子金葉子格戲產盡於今朝太白詩黃

意盡昨日破巧笑市門資窮於夜合齊桓

李孫詒經錄

匪人之是比易豈之子之無良治彼罷民應

坐周官之嘉石方之碩鼠宜傳漢室之爰書

離人骨肉

引禮記曰毋以遠言近

箋骨肉相愛讒賊間之而父子兄弟相傾也

淮南子子翬謀桓魯隱危豎牛奔仲叔孫卒費

忌納女楚建走伊戾坎盟宋湮死江充造蠱

太子殺息夫作姦東平誅皆自小遺大跡疎

臨親可不懼哉漢書

侵人所愛

引孟子曰所欲與之聚之所惡勿施爾也

箋貨不好不能為禍周語古人以不貪為寶左傳

譬之煙雲之過眼百鳥之感耳非不欣然接

之去而不復念也東漢書之劍桓魁之珠左傳

空孫詒經錄

玩之者豈非喪志求之者適啓戒心

助人為非

引論語曰子曰君子成人之美不成人之惡

小人反是

箋佐雖者嘗佐闢者傷周語故君子成人之美

不成人之惡成人之惡是佐闢也無乃傷乎

且小人為不善未必披猖惟有助之者則同

正一天師清微弟子 洪百堅 製作

道教學術資訊網站

惡相濟如市賈焉左傳幾於無忌憚矣漢律名

有功有意助人為非功意俱惡漢書抽腸斃鼓

顏氏家訓非不幸也

逞志作威

引書曰無倚勢作威

箋其爵弥高其志益下淮南子志安可逞威如

之吉反身之謂也易若依勢作威書志乃逞

空孫詒經錄

矣語曰君子得時如水小人得時如火說苑

不可長其能久耶禮

辱人求勝

引禮記曰卑己而尊人

箋勝人者有力自勝者強老子况辱人以求之

乎屈王孫於胯下困張祿於廁中非愚則妄

易不云乎無平不陂無往不復吾見多陵人

者皆不在矣石經左傳

敗人苗稼

引孟子曰不違農時又曰五穀熟而民人育

注水有曲壅曲防壅泉王法所懲田卒汙萊詩人

所歎蓋良苗肥稼上可薦宗廟下以厚民生

重之至也若種稻而奪諸水戰國策牽牛以蹊

人田左傳此何異草宅而禽饗也周書犯禁受罰

六高孫詒經錄

固其宜耳

破人婚姻

引孟子曰內無怨女外無曠夫禮記曰婚禮

者將合二姓之好上以事宗廟而下以繼後

世也故君子重之

箋媒氏掌萬民之判冰人合二姓之歡雖兩

喜何惜兩譽兩喜見莊子戰國策曰周地然

正一天師清微弟子 洪百堅 製作

道教學術資訊網站

非耦必多喪耦左傳所當慎之始也若夫初

聘而强委禽左傳已歸而嗟分鏡本事非辱於

强暴即奪於亂離更有絲蘿將結一語而致

參商仇儷方諧片辭而興在角皆害倫虧義

不可之甚者也

苟富而驕

引論語曰子貢曰富而無驕禮曰小人富斯

五高廷祐錄

驕驕斯亂亂斯亡

箋孝經曰滿而不溢所以長守富也家敦而

富志高而揚戰國策天奪之鑒左傳鬼瞰其室矣

漢史鮪言富而不驕者鮮矣驕而不亡者未

之有也

苟免無恥

引孟子曰無羞惡之心非人也又曰恥之於

人大矣禮曰臨難毋苟免

箋成仁取義烈士之壯心寡廉鮮恥人臣之

大戒三代以來其風甚卓後世不知此義而

文章之士多護李陵智計之家或稱譙叟此

說一行則國無守臣人無直節反顏事饒行

若狗彘而不知愧也何怪乎五代之長樂老

序平生以為榮滅廉恥而不顧者乎

日知錄

李六 高廷祐錄

認恩推過

引禮曰善則稱人過則稱己則民不爭善則

稱人過則稱己則怨益亡

箋恩非己出而妄切之

切古文認見漢書

過實在我

而強推之任德不任怨己掠其名誰執其咎

鄭竊恐居德者居德德之涼也避怨者怨之

府也涼德怨府皆見左傳

詞館分寫本太上感應篇引經箋注

嫁禍賣惡

引論語曰子曰己所不欲勿施於人

箋共仲殺子般而歸獄於僕人

公羊傳孟德行

小斛而借死於主者

曹瞞傳

古來機械變詐之

事甚深而難測然孟氏之賊曹氏之姦天下

莫不聞者抗辯食槽之禍

慶父抗辯經而死

不在其

身則在其子孫可不畏哉

李七 高廷祐錄

沽買虛譽

引孟子曰苟為無本七八月之間雨集溝澮

皆盈其涸也可立而待也故聲聞過情君子

恥之書曰罔違道以干百姓之譽

箋羊質虎皮觀草則悅見豺則戰

法言魚質龍

文遭水則喜遇獺即悲

抱朴子

名實之辨也先

輩謂好名與好利者相去不遠蓋沽名亦以

正一天師清微弟子 洪百堅 製作

道教學術資訊網站

為利也然虛名一敗萬事瓦裂其害有甚於
謀利者故荀子謂盜名不如盜貨

包貽險心

經引論語曰匿怨而友其人詩曰盜言孔甘又

曰為鬼為蜮則不可得有覲面目視人罔極

箋書難壬人畏孔壬壬者象人懷妊之形說文

包藏凶惡之人也壬人之行潛姦隱智厚貌

李八高延祐錄

深情其藏之也如含沙伏弩雖明者不能然

也然猶明也義見淮南其發之也則入肉貫胸雖强者

無不斃也其術之工雖殺數十百人而主名

不立甚矣其險也

挫人所長

經引詩曰不忮不求何用不臧

護己所短

正一天師清微弟子 洪百堅 製作

道教學術資訊網站

經引大學曰揜其不善而著其善人之視己如
見其肺肝然則何益矣

箋良相之愛才也一藝必庸小善卒錄君子

之制行也瑕不揜瑜瑜不揜瑕夫誇己之長

乃挫人長揚人之短始護己短謂幽蘭不可

佩服艾盈要蘇糞壤以充幃眾芳蕪穢離騷

士無名徒工謠詠不善是揜如見肺肝卒亦

李八高延祐錄

何益之有哉

乘威迫脅

經引書曰鴟義姦宄奪攘矯虔

箋威者權也勢也權勢之所在為福固易為

禍亦烈逐君側之惡人志父豈能無罪趙鞅事見

公羊左傳鞅徙雒都之黎庶太師莫怨然臍

董至於武安請魏其之田破石奪五百之婦

兩漢皆跋扈鴟張不義之甚者也

縱暴殺傷

經孟子曰無惻隱之心非人也又曰爭地以戰殺人盈野爭城以戰殺人盈城此所謂率土地而食人肉罪不容於死書曰火炎崑岡玉石俱焚天吏逸德烈於猛火殲厥渠魁脅從罔治

主夏子鐫錄

箋殺人者死傷人者刑荀古之道也乃有人頭羅刹殿上蒼鷹任雕面惡少為爪牙五代史召名禍猾吏與從事史記芟夷若草左傳又見賦論報如屠書漢書豈知天道神明人不可獨殺也嚴嚴語師古言多虞虞定安之家門不增一口虞虞王溫舒之族滅豈踰三冬漢法踰戒之戒之子孟

無故翦裁

經書曰暴殄天物

箋聖人為衣服適身體和肌膚而足矣非禁耳目而觀愚民也今則不然女工作文采男工作刻鏤其為衣服不為身體皆為觀好單單與財勞力畢歸之於無用皆見此賈誼所謂百人作之不能衣一人欲天下無寒不可得矣

主夏子鐫錄

非禮烹宰

經孟子曰吾不忍其觫然若無罪而就死地又曰君子之於禽獸也見其生不忍見其死聞其聲不忍食其肉禮曰諸侯無故不殺牛大夫無故不殺羊士無故不殺犬豕箋燕以四膳養用三牲禮之所在烹宰所不

廢也至於平居當遵約儉重卿魚飧趙終能

免禍大夫玉食必害而家書況乎多列庶羞

兼羅珍怪二字出舍靈龜而觀朵頤易弱之

肉而強之食韓文鄭子公之指唯堪染鼎左傳

稚長之腹止用監廚後漢書揆之古人無故不

殺之禮不已悖乎

箋左道中有屠牛為業者其人不食犬豕唯

圭夏子錫錄

日宰太牢血模糊懸肉格三字出莫敢誰何

者此無他禁之之法寬也案淮南子說山篇

曰殺罷牛可以贖良馬之死莫之為也殺牛

必亡之數以必亡贖不必死未能行之者矣

高誘註云牛者所以植穀者民之命是以王

法禁殺牛民犯禁殺之者誅故曰必亡之數

然則漢法殺牛與殺人同科也故其時人不

正一天師清微弟子 洪百堅 製作

道教學術資訊網站

敢犯今法輕於漢而欲使植穀之牛不入屠

伯之手焉可得哉李叔則愛牛說曰肉牛者

十之三革牛者十之三角牛者十之四天下

於是無全牛矣此論可謂痛切

散棄五穀

經孟子曰后稷教民稼穡樹藝五穀五穀熟

而民人育詩曰稼穡惟寶

圭夏子錫錄

箋席間之飯仲堪噉而無餘晉書盤中之餐公

垂咏而彌重李紳詩試看盤中蓋食乃民天

貨惡棄地其有太倉之粟屢見因陳畝首之

糧或多遺滯豈知儉歲之饑康四穀不升曰

饑生於豐年之狼戾乎念及此幾欲量腹而

食數米而炊矣

勞擾衆生

經引易曰說以先民民忘其勞

箋君子之為治也官府若無吏亭落若無民

閭里不訟於巷老幼不愁於庭府郵驛無夜

行之吏鄉閭無夜召之征犬不夜吠鳥不夜

鳴在朝者忠於君在家者篤於親賈新語鳴

呼仁哉漢書若小人之在上也如寢關曝曬不

得須臾寧淮南子豈知水濁則無掉尾之魚政

主問夏子鵬錄

苛則無逸樂之人故令煩則民詐政擾則民

不定叶不治其本而務其末譬如拯溺垂之

以石救火投之以薪晉見鄧

破人之家取其財寶

經大學曰貨悖而入者亦悖而出詩曰鴟鴞

鴟鴞既取我子無毀我室

箋真誥言郝回父郝方回父鑒也無辜戮人百口取

正一天師清微弟子 洪百堅 製作

道教學術資訊網站

其財寶殃考深重怨主恒訟天曹早已申對

回法應滅門但其修德既重一身免脫子孫

豈得全耶回當保其天年但仙道之事去之

遠矣夫以郝道徽之賢一事不方幅南史猶蒙

家訟為冢中人所訟出真誥況其下焉者乎

洪水放火以害民居老君說百病曰水火敗傷是一病

經引孟子曰禹以四海為壑今吾子以鄰國為

主周壽昌錄

壑書曰若火之燎于原不可嚮邇

譏水能反壤火可燎原失則為災蹈之者死

是以漢魏入毀亡之律晉書刑法志帝王嚴決放

之條若夫開積水於萬仞烈猛火於積薪杜

子非奸吏盜以營私即仇家藉之洩忿漂民

居之室其傷必多焚旅人之巢為禍甚烈夫

夫也雖投畀河伯南史謝超宗語焚諸平莊左傳非過

也

紊亂規模以敗人功

經書曰罔以側言改厥度

損人器物以窮人用

經易曰聖人備物致用立成器以為天下用

註君子不壞舊防禮大人必矜細行書東青

齊之故難言物土之宜毀重邱之瓶未免閉

主周壽昌錄

門之詢駮是知法不易常怨不在大唯有禮

者可以免

見他榮貴願他流貶

經中庸曰施諸己而不願亦勿施於人

見他富有願他破散

經論語曰子曰衣敝緼袍與衣狐貉者立而

不恥者其由也與

正一天師清微弟子 洪百堅 製作

道教學術資訊網站

註名位相軋也貨財相傾也獸惡其網民惡

其上國語自然之理雖然達而在位豈非稽古

之榮經榮賢而多財漢乃是善人之賞論語左傳若

曠貴不久漢書出自天公奸富致殃史記何干

卿事南唐書設虛願而幸人災虛願出周書非

愚則惑也

見他色美起心私之

主周壽昌錄

經論語曰子曰少之時血氣未定戒之在色

孟子曰踰東家牆而摻其處子則得妻不摻

則不得妻則將摻之乎詩曰出其東門有女

如雲雖則如雲匪我思存繡衣綦巾聊樂我

員

註貪色為淫淫為大罰傳見色而悅謂之曰

逆韓詩外傳慶封易內負之斧鉞巫臣竊妻罪至

族赤私於庚宗叔孫不食

皆傳淫於魯宮邾

顏伏鑽公羊申池之禍賊由閭職子貉之妹

終喪羊舌駟嗚呼今人宜鑒斯轍天有六氣

降生六疾駟亂自女戎語女為陽物晦時生

蟲日入作慝天年喪志非鬼非食人生實難

左傳受之以節易左清心室慾附遠厚別禮

逸則忘善懲則有辟語送目治容易左傳授情

七六周壽昌錄

國色語見公羊惟厲之階詩惟家之索書

音接有先夫左李誠弱息漢不以義交尚書

是為惑溺公卿宣淫兄弟爭室孫報姘通淫

曰孫旁淫曰通淫親族之妻女曰罪大惡積

報與妻婢交曰姘見左傳及漢律罪大惡積

易生不若死公死有餘責漢嗚呼上天策戰國

天威咫尺福仁禍淫傳不爽杪忽遠則子孫

近在目睫淫而無罰傳左未聞其說

詞館分寫本太上感應篇引經箋注

負他貨財願他身死

引論語曰子曰惡之欲其死

譏平時匱乏仰升斗之水則活是貸我以財

者乃緩我以死者也惠孰大焉惡人而欲其

死是惑也負人而欲其死是賊也賊人者天

必反賊之

干求不遂便生咒恨

七五周壽昌錄

引論語曰子曰富而可求也雖執鞭之士吾

亦為之如不可求從吾所好詩曰侯作侯祝

靡屈靡究

箋先輩言自家猶不能自快自家如何他人

却能盡快吾意交富人而與之稱貸交貴人

而取其竿牘恒人之所賤也安能望其必遂

欲不足而忿售謂之小人不亦宜乎

一一一九九

見他失便便說他過

經詩曰人亦有言柔則茹之剛則吐之維仲
山甫柔亦不茹剛亦不吐不侮鰥寡不畏強
禦

錢人偶失便或值于時或魯于數未必皆其
自取也若不揆其素行而輒指其生平以為
是固應爾也豈不悖哉且人即有過得志則

全
黃鉉錄

括囊失時則橫議亦有識者所深非也

見他體相不具而笑之

經論語曰子見瞽者見之必作過之必趨禮
曰瘠聾跛躄斷者侏儒天民之窮而無告者
皆有常餽

錢戚施不可使仰遽除不可使僂語天刑之
也莊天刑之為不幸人笑之為不仁且踊梧

而聞上梧猶今之樓閣蕭同幾於作質公登樓而笑
愛妻遂喪其元記豈計之得哉

見他才能可稱而抑之

經論語曰子曰臧文仲其竊位者與知柳下
惠之賢而不與立也

錢人有才能即未嘗識面猶當提拂而揚調
之況目驗而心知者乎穀梁子曰心志既通

全
黃鉉錄

而名譽不聞友之罪也名譽既聞有司不舉
有司之罪也然則知柳下惠之賢之稱衡之
薦誰之罪歟

埋蟲獸人

經孟子曰仲尼曰始作俑者其無後乎

錢蟲者損壞之名淫溺惑亂之所生也左古
訓為事易有蠱卦謂壞極而有事也於文皿

蟲為蠱左先儒謂蟲食器皿巫行邪術損壞

於人故亦謂之蠱禮記正義其法以桐木人以鍼

刺之埋之地以厭人人輒死漢書即周書所

謂左道也周書曰以左道事君者誅之鄭康成註王制曰左道若巫蠱及俗禁

漢時巫蠱之禍最烈故賊律有云漢律敢蠱

人及教令者棄市延及後世蠱人之罪並編

十惡俗通本風赦令所不宥法至重矣而其術

全三 黃鉉錄

不衰乃知少皞之亂家為巫史譏宋襄之霸

鬼有淫昏傳左召之而至又何尤焉小爾雅曰尤怪也

聖王在上分民神職司民司職絕地天通尚書

此嘉祥所以日降蠱氣所以不作也

用藥殺樹

經孟子曰斧斤以時入山林禮曰孟春之月

禁止伐木仲春之月毋焚山林

詞館分寫本太上感應篇引經箋注

註風咏甘棠雅歌行葦楚楚可憐之樹晉濯

濯易盡之枝皆當廣以慈心全其生意況散

亡七日未必非神魏國標大十圍偏能見夢

也莊用藥者無斧斤而天厥志不仁不斬伐

而枯其毒太苦

志怒師傳雲笈七籤老君曰怒志師傳六不祥

經禮曰事師無犯無隱左右就養無方服勤

全三 黃鉉錄

至死心喪三年又曰隱其學而疾其師苦其

難而不知其益也

箋師無當於五服然左右就養有父道焉服

勤至死有君道焉故樂共子曰民生於三事

之如一也漢重經師其上章也必稱聞諸師

曰以明所受戰國策曰談語而不稱師是倍

師謂之不稱于其死也則必自表師喪弃官行

一一二〇一

服漢書故經義莫盛於漢自經師亡經師亡於東晉

而古學亦亡唐宋元而仲山之古訓不存詩

訓是式亦作夫子之雅言亦絕雅正也康成

先王典法必正言其音然後義全於是有施

悖求佛而疾其師者矣有燕朋燕僻而逆其

師者矣唐石經禮記荀卿言倍師之人明君

不納諸朝士大夫不與之言蓋師道不立則

全四 黃鉉錄

經義不明經義不明人材所以日下也

抵觸父兄

經論語曰有子曰其為人也孝弟而好犯上

者鮮矣孟子曰親親仁也敬長義也

箋武王勝殷得二虜而問焉曰而國有妖乎

一虜曰晝見星而雨血此吾國之妖也一虜

曰此非其大者吾國之妖其大者子不聽父

弟不聽兄此妖之大者新序夫驕子傲弟其教

不先其率不謹史記輕簡父母賈誼忽長者

顏氏小則兆門祚之衰大則貽風俗之患雖

欲不謂之妖而不得也

強取強求

經論語曰子曰富與貴是人之所欲也不以

其道得之不處也孟子曰求之有道得之有

全五 馬相如錄

命是求無益於得也求在外者也

好侵好奪

經詩曰人有土田汝反有之人有民人汝覆

奪之

箋市金可採取之傷廉白珩非寶求之有道

侵欲崇侈饕餮乃爾奪攘矯虔蚩尤殲旃窮

途思反違道不遠靜言自悼從我所好

虜掠致富

經引孟子曰非其有而取之者盜也

箋本富為上末富次之姦富最下攻剽椎埋

掘冢鑄幣意錢搏拚而田叔以之起桓發用

以饒貨殖傳皆姦富也雖然善人富謂之賞淫

人富謂之殃左傳是故家有不宣之財則傷

策掘藏之家其後必亡淮南子天殆富淫人左傳

全馬相如錄

此說誠荒唐也韓昌黎詩桃源之說誠荒唐

巧詐求遷

引論語子曰鄙夫可與事君也與哉其未

得之也患得之既得之患失之苟患失之無

所不至矣

箋馬安巧宦而四至九卿漢書漢官儀翟酺詐

而先據要路孫越也見范書贊倖進之端開純臣之

正一天師清微弟子 洪百堅 製作

道教學術資訊網站

節墮矣何以謹慎為欺謾居右職何以禮義

為便巧為尊官賈誼貢禹今人之所喜者昔人之

所歎也且也舐痔而結駟趙壹語本莊子何辱如之

遭睡而探珠莊子其危甚矣

賞罰不平

經書曰罰弗及嗣賞延于世詩曰此宜無罪

汝反收之彼宜有罪汝覆脫之

全馬相如錄

箋古者爵賞不踰德刑罰不過罪是以為善

者勸而不善者沮荀子唯其平也如賞所愛而

罰所惡范曄語則不平不平則怨怨則爭爭則

勸懲不立而爵賞刑罰窮矣

逸樂過節

引論語子曰樂驕樂樂佚遊樂宴樂損矣

孟子曰從流下而忘反謂之流從流上而忘

反謂之連從獸無厭謂之荒樂酒無厭謂之
亡又曰般樂怠傲是自求禍也又曰然後知
生於憂患而死於安樂也

箋益戒舜曰罔遊于逸罔淫于樂故君子無
逸作所書良士好樂無荒詩乃逸乃諷周公
所以詠歎也式號式呼大雅所以流連也漢書

且吾聞之狂者無憂淮南子溺人必笑左傳逸樂

全馬相如錄

未終而死亡繼之亦何以異於是乎

苛虐其下

引論語曰子曰君子易事而難說也說之不
以道不說也及其使人也器之小人難事而
易說也說之雖不以道說也及其使人也求
備焉書曰臨下以簡御眾以寬

箋天有十日人有十等左下所以事上上所

正一天師清微弟子 洪百堅 製作

道教學術資訊網站

以使下也鞭朴施於家庭固為終吝僮僕取
其遲鈍無可深求苛虐者重為任苛而罰不
勝虐遠其塗苛而誅不至虐夫力不足則偽
智不足則欺皆見莊子鳥窮則啄獸窮則齧人窮
則詐韓詩外傳自古及今未有窮其下而不危者
也家語

恐嚇於他

全馬相如錄

引書曰胥動以浮言恐沈于眾若火之燎于
原不可嚮邇詩曰民之訛言亦孔之將念我
獨兮憂心京京

箋失羣之雁故瘡未息虛弓可以下之戰國策

在患之人在患出晉語驚魂未定浮言可以動之

書蓋百端恐怖強者股升二字出漢書弱者引決

豈不痛哉按以周刑應在造言之律周禮鄉八刑

稽之漢法當依恐獨之條

漢盜律有恐獨見王子侯表及晉書

刑法

怨天尤人

經中庸曰正己而不求於人則無怨上不怨

天下不尤人

註人之受於天也有三命焉受命以保度

受命

壽

謂年遭命以摘暴

遭命謂行善而過凶

隨命以督行

隨命

卒

常恩教錄

謂隨其善惡而報之見孝君子之於人也有

經援神契及何休鐵書育三自反焉自反而仁矣自反而有禮矣自反

而忠矣三命皆天也三自反皆不求諸人也

故荀子曰自知者不怨人知命者不怨天怨

人者窮怨天者無志

訶風罵雨

老君說百病曰罵詈風雨是一病

經論語曰迅雷風烈必變禮記曰若有疾風

正一天師清微弟子 洪百堅 製作

道教學術資訊網站

迅雷甚雨則必變雖夜必與衣服冠而坐

註天有風雨霜露無非教也

禮觀古文師雨

師帝王之所祀禮好風好雨日月之所從

謂日從星不可帝天且弗違之而況於人乎

咨祁寒而怨暑雨乃黔首之無知訟風伯而

詰雨師實文人之遊戲

曹子建詰答文假天

風伯本此有識者蹈之是獲罪於天也

卒

常恩教錄

關合爭訟

持兵曰關眾關曰合私爭曰爭鳴於官曰訟

經大學曰子曰聽訟吾猶人也必也使無訟

乎易曰不克訟歸而逋其邑人三百戶无眚

又曰以訟受服亦不足敬也詩曰虞芮質厥

成文王蹶厥生

註關而不勝集眾以要之傷必重爭而不已

速訟而成之室必殘案漢律關有保辜車外

以傷人論章內以殺人論

本何休公羊註史游急就章

意所必辨也

手傷人為功使人行為意見漢書

周官訟有

明禁既入之以束矢又申之以鈞金曲直所

必分也功意辨而曲直分彼好鬪健訟之徒

亦何所措其手足乎

妄逐朋黨

經中庸曰子曰中立而不倚強哉矯論語曰

奎

常思敬錄

子曰君子矜而不爭羣而不黨

箋東漢之末京師遊士汝南范滂等非訐朝

政自公卿已下皆折節下之太學生爭慕其

風以為文學將興處士復用陳留申屠蟠獨

歎曰昔戰國之世處士橫議列國之君至為

擁篲先驅卒有阮儒燒書之禍今之謂矣乃

絕迹梁碭之間因樹為屋自同傭人居二年

正一天師清微弟子 洪百堅 製作

道教學術資訊網站

滂等果惟黨錮或死或刑者數百人蟠確然

免於疑論周易泰之九二曰朋亡得尚於中

行渙之六四曰渙其羣元吉孔子作小象皆

以光大言之光大者周而不比公耳忘私之

謂也夫洪範九疇必嚴比德周官八成用戒

邦朋則朋黨之禁其來久矣迹哲士之微言

考先聖之逸典乃知有黨必有讎左傳喪朋終

奎

常思敬錄

獲慶易非知幾達節之人大雅不羣之彥其

孰能與於此哉

用妻妾語違父母訓

經孟子曰好貨財私妻子不顧父母之養三

不孝也書曰牝雞之晨惟家之索詩曰赫赫

宗周褒姒威之

箋髮子不答

東髮受書之子

冠子不置韓詩外傳惡訓不

易聞也衷中之簡三歲可以出之趙簡子之長子曰伯

魯幼子曰無恤嘗書訓誡之辭於二簡以授

二子曰謹識之三年而問之伯魯不能對求

其簡已失之矣問無恤請其辭甚習求其簡

出諸衷中而奏之於是簡子以無恤為賢古

詩置書懷衷中千里之書終身可以誦之馬

三歲字不滅見後漢書及王充論衡何愛敬之深篤而

勿逆勿怠也禮雖然妻子具而孝始衰矣本

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

管子子諛言興而階之厲矣夫必先用其婦人

敝蓋不棄

註貴易交富易妻此人情之不美子非有道

之宜言也衣莫若新人莫若故子貴如光武

猶思瀨下之賢富若孝宣尚索微時之劍若

乃公孫懷詐莫遇故人西京雜記司馬褊心重憎

老物書晉其與少原之婦悲悼亡簪韓詩外傳晉國

之臣興嗟弃席者淮南子不可同年而語明矣

口是心非雲笈七籤曰道教五戒

經書曰汝無而從退有後言

註口能言之身能行之國寶也口不能言身

能行之國器也如器物雖不言而有行也口能言之身不

能行國用也賴其言可用也口言善身行惡國妖也

治國者敬其實愛其器任其用除其妖子

貪冒於財

貪冒於財

貪冒於財

貪冒於財

貪冒於財

貪冒於財

貪冒於財

引論語曰子曰小人喻於利孟子曰為人臣者懷利以事其君為人子者懷利以事其父為人弟者懷利以事其兄是君臣父子兄弟終去仁義懷利以相接也然而不亡者未之有也禮曰臨財毋苟得

斯罔其上

引孟子曰昔者有饋生魚於鄭子產子產使

宋英啟敬錄

校人畜之池校人烹之反命曰始舍之圉圉焉少則洋洋焉攸然而逝子產曰得其所哉得其所哉校人出曰孰謂子產智予既烹而食之曰得其所哉得其所哉

箋季文子相三君無衣帛之妾無食粟之馬

君子以為忠諸葛武侯自表云臣死之日不使內有餘帛外有贏財以負陛下夫廉不過

正一天師清微弟子 洪百堅 製作

道教學術資訊網站

人臣之一節而左氏稱之為忠孔明自謂無負誠以人臣之欺君誤國必自貪于貨賄始也臨下乃與盜跖為伍陳情則以曾史自居偷兒獲廉名誠計之得矣豈知高后降之弗祥盤民人生其怨詛其究也乃與國而同敗耶日知錄管子曰家富而國貧為人臣者之大罪也

宋英啟敬錄

造作惡語說毀平人

引論語曰浸潤之譖膚受之愬書曰朕聖護說殄行震驚朕師詩曰無罪無辜譖口器器下民之孽匪降自天又曰萑兮斐兮成是貝錦彼譖人者亦已太甚

箋鳥之美羽句喙者鳥畏之魚之哆口垂腴者魚畏之人之利口瞻辭者人畏之是以君

子避三端

外傳詩

筆端之文成是貝錦

詩舌端

之語猾以齒牙

晉語

遂使生人名節墮地無餘

如被糾彈同之禁錮

晉書

武士鋒端方之蔑矣

范書贊

毀人稱直

引論語曰惡訐以為直者

罵神稱正

空英啟敬錄

引論語曰敬鬼神而遠之中庸曰鬼神之為

德其威矣乎

箋直者不毀正者唯神吹毛索疵流聞不誼

不可為直

漢書

投龜詬天中無敬心不可為正

左傳展禽有言犯人道者不祥犯鬼道者有殃

魯語毀人誣神其不祥莫大焉天將殃之也

左傳

棄順效逆

詞館分寫本太上感應篇引經箋注

引孟子曰順天者存逆天者亡

背親向疏

引孟子曰夫夷子信以為人之親其兄之子

為若親其鄰之赤子乎且天之生物也使之

一本而夷子二本故也詩曰脊令在原兄弟

急難每有良朋況也永歎喪亂既平既安且

寧雖有兄弟不如友生

空英啟敬錄

箋二者之義備於石碣之諫莊公孔子之教

曾子也碣之言曰君義臣行父慈子孝兄愛

弟敬所謂六順也賤妨貴少陵長遠閒親新

閒舊小加大淫破義所謂六逆也去順效逆

所以速禍也子之言曰不愛其親而愛他人

者謂之悖德不敬其親而敬他人者謂之悖

禮以順則逆民無則焉不在於善而皆在於

凶德也

指天地以證鄙懷引神明而鑒猥事

引論語曰子疾病子路請禱子曰有諸子路

對曰有之誅曰禱爾于上下神祇子曰某之

禱久矣禮曰無瀆神

箋古者天地不通民神異業譏所以防戲豫

而絕矯誣也曰明日旦奉而不違曰覲

百徐桐書

巫敬而不瀆蓋天地至尊神明至正尊不親

小事穀正不干僻邪鄭莊公之誓黃泉能無

後悔傳左中里傲之盟齊社莫挽前愆理夫至

天神不蠲其為濁音圭斯乃民庶莫盡其氣

受命之氣也見楚語九黎三苗非前轍乎

施與後悔老君說百病曰施人望報是一病與人追悔是一病

引論語曰願車馬衣輕裘與朋友共敝之而

無憾又曰出納之吝謂之有司

譏太上貴德其次務施報是施因為報地也

將欲取之必姑與之逕周是與乃為取計也

往而不來贈而不答未有不悔其過施而濫

與者語曰其就義若熱則其去義若渴莊此

之謂也

假借不還

老君說百病曰借不念還是一病

百徐桐書

引詩曰信誓旦旦不思其反

譏泉府之法凡賒祭祀無過旬日喪紀無過

三月職漢元以來有假借不廉之條著於

雜律漢律雜篇見晉書刑法志考文三年河陽侯陳信坐

不償人債過六月免功臣王符亦言永平時

明諸侯負債輒有削黜之罰論蓋漢尚廉

恥故舉士曰孝廉舉吏曰廉平所以重廉也

重廉則必罰不廉且假而不反不特傷廉近
於無恥廉恥不立風俗日偷啟爭連訟爭財日訟
猶其細也

分外營求

經中庸曰君子素其位而行不願乎其外又
曰君子居易以俟命小人行險以徼幸易曰
君子思不出其位

百徐桐書

箋子臣第友分內之事也富貴利達分外之
事也君子畢力于人倫故思不出位而行無
越思左小人罔識義命不能耕而欲黍梁不
能織而喜采裳淮南虧其分內之事而營其
分外之求豈知所性不存而所求無益乎

力上設施此為守錢虜一輩言之

經詩曰哀我征夫獨為匪民

正一天師清微弟子洪百堅製作

道教學術資訊網站

箋持心計權子錢治產居積俯拾仰取趣時
若猛獸之發得利如烏鵲之爭此有知盡能
索耳終不餘力而讓財矣史記然而識者嫌其
銅臭烈天下謂之膏肓王衍實士君子所羞稱
之也

淫慾過度

經書曰殉于貨色時謂淫風

百徐桐書

箋國風之好色也盈其欲不愆其止荀子蓋陽
性純而能施陰體順而能化以禮濟樂以穀
伏蠱故能豐子孫之祥致老壽之福荀子對
伏蠱見若夫不節不時左失儀失度燕好每
形於動靜漢書晦明常失於節宣左非尤物之
移人即治容之喪志且也茲心不爽左壽命
不究于高年杜欽其生不善左肌膚莫傳於

來體詩宗贊謂思之能無動念言之可為寒

心此三戒之所先十愆之必做也

心毒貌慈

經引論語曰子曰巧言令色鮮矣仁禮記曰君

子不以色親人情疏而貌親在小人則穿窬之盜也與

譏面很不害心很敗國語酷虐用刑垂涕終

二圖 徐桐書

無所活曹置人死地柔懦不異平時咸章何

中之惡而外之婉乎乃知梟鳴不鳴要非祥

也豺狼不噬要非仁也張文潛語有王者起屏諸

遠方禮投諸四裔左可也

穢食餒人

經引禮曰毋反魚肉讓食不唾

箋杯多漬酒之蠅匹夫為之弗飲淮南飯有

正一天師清微弟子 洪百堅 製作

道教學術資訊網站

涉筐之鼠君子所以不嘗論衡昔人以食不潔

為腸論衡滂誠憎之也況以之餒人乎餒之言

飼也玉篇如以莖豆飼馬牛賤之甚矣此人之

陰過天之大惡也論衡

左道惑眾

經引孟子曰楊墨之道不息孔子之道不著是

邪說誣民充塞仁義也仁義充塞則率獸食

二豎 張丙炎錄

人人將相食書曰民無或胥譸張為幻禮曰

析言破律亂名改作執左道以亂政殺假於

鬼神時日卜筮以疑眾殺

箋盧子幹註禮曰左道謂邪道地道尊右右

為貴故漢書云右賢左愚右貴左賤故正道

為右不正道為左禮記正義僻左之道以之事君

則誅通周以之亂政則殺王制若夫疑眾在四

誅之條

假於鬼神時日王制之所不聽當罪

不聽亂民居八刑之次周官之所必糾

刑糾萬民一曰亂民之此皆不待天誅而自

罹國法者也

短尺狹度輕秤小升

引論語曰謹權量禮記曰日夜分則同度量

鈞衡石角斗角正權概

二真張丙炎錄

以偽雜真採取奸利

引禮曰用器不中度不粥於市兵車不中度

不粥於市布帛精麤不中數幅廣狹不中量

不粥於市姦色亂正色不粥於市

箋周官之法同其度量度丈尺壹其純制

準純謂幅廣制謂匹長察其詐偽飾行儔與責愚者而

誅罰之質人胥法至重也賈而欲盈傳物無

詞館分寫本太上感應篇引經箋注

正一天師清微弟子洪百堅製作

道教學術資訊網站

中度禮人而近市左勢必假真法言夫欲營

以此獲利則為姦利以此致富則為姦富此

商賈所不齒莊子乞人所不屑也

壓良為賤

引詩曰民之無辜并其臣僕

箋因貧而作贅子見賈誼傳如淳曰淮南俗

贅情已堪憐從坐而入縣官見後鄭周禮註

二真張丙炎錄

沒為法誠難違若家本良與二字出系屬衣

冠兩漢或乘機而攫取或依勢而脅從視若

人奴役同餓隸書漢豈不聞略人之法在漢

篇定自漢朝見後漢紀和賣之條彰於魏世後魏

律和賣人為自昔稱嚴於今為烈雖旅之瑣

瑣斯其取災斯所恐震之蘇蘇僕將自喪也

旅九三王弼謂次焚僕喪而身危

設為愚人

設欺也音莫官反為音莫白反說文云上馬也龍龕手鑑云踰也

引孟子曰天之生斯民也使先知覺後知使

先覺覺後覺也詩曰自有肺腸俾民卒狂

箋謾者說而蒙之謾者陵而上之愚人胸無

識故可謾生無才故可謾雖然以有識謾無

識以有才謾無才是伎力皆害器矣劉晔語不

仁孰甚焉

二頁張丙炎錄

貪婪無厭

婪亦貪也

引孟子曰萬取千焉千取百焉不為不多矣

苟為後義而先利不奪不廢又曰有賤丈夫

焉必求龍斷而登之以左右望而罔市利人

皆以為賤故從而征之征商自此賤丈夫始

矣詩曰大風有隧貪人敗類

箋近廩倉者不為之多飯臨江河者不為之

正一天師清微弟子洪百堅製作

道教學術資訊網站

多飲期滿腹而已

淮南子

咎莫大於欲得禍莫

大於不知足

老子

子穀壑可盈而心不可厭晉語此

何異周鼎之著饕餮食人未咽而害及其身

也呂覽

呪詛求直

呪者呪來禍也詛者詛往愆也呪者口告詛則用牲古者司盟掌其事

引書曰罔中於信以覆詛盟

箋蘇成遇暴卒之讒則出三物以自詛詩屈

二頁張丙炎錄

原遭子蘭之謗則告五帝以折中

楚狂結思

中煩究求理惟其直也若乃言多僭左傳事

近矯誣

國語

詎可告彼司盟周禮呵之楚璧天中

里之辭未半

墨子

卒隕其身左傳三苗之信罔中

無世在下呂刑蓋未直而求直適足握水官之

筆鳴三官之鼓耳

北帝主六天官二天官立一官六天凡立為三官三

官如今刑名之職主諸考誨而消魔經云岱宗又有左火官右水官及女官亦名三官並

主考劉令三茅君通
掌之並見於真誥也

嗜酒悖亂

引論語曰子曰不為酒困孟子曰禹惡旨酒
書曰我民用大亂喪德亦罔非酒惟行又曰
厥或告曰羣飲汝勿逸盡執拘以歸於周予
其殺詩曰顛覆厥德荒湛於酒又曰賓既醉
止載號載歎亂我邊豆屢舞傲傲是曰既醉

聖沈桂芬錄

不知其郵禮記曰一獻之禮賓主百拜終日
飲酒而不得醉焉此先王之所以備酒禍也
箋古之人制酒醴幾萍氏立監史將以德維
今儀辭不腆稱須臾規初筵在剛斷過三爵
不及亂今之人乃酒荒儀不令德不將濡其
首側我弁既忸怩復僂僂靡有楅門有莠齊
慶封鄭伯有就壑谷奔雍梁遷內實纖朱方

詞館分寫本太上感應篇引經箋注

正一天師清微弟子洪百堅製作

道教學術資訊網站

告爾士無崇飲百日醉三日醒酒既入舌必

出舌既出言必失失爾言棄爾身由歡伯由

賢人堯千鍾路百榼惟齊聖能溫克酒入舌
出語見

管子歡伯見易
林賢人見晉書

骨肉忿爭

引詩曰棠棣之華鄂不韡韡凡今之人莫如
兄弟禮曰父子篤兄弟睦夫婦和家之肥也

聖沈桂芬錄

箋父子不和其世破亡兄弟不和不能久同
夫妻不和室家大凶說苑蟲有虺者一身兩口

爭相齟遂相食因自殺今之薄於骨肉者皆

虺類也韓非
子

男不忠良

引論語曰臣事君以忠書曰股肱良哉詩曰
靖共爾位正直是與神之聽之式穀以女

女不柔順

經引孟子曰以順為正者妻婦之道也易曰無攸遂在中饋貞吉象曰六二之吉順以巽也
禮曰婦人從人者也幼從父兄嫁從夫夫死從子又曰婦順者順於舅姑和於室人而後當於夫
不和其室

西三 沈桂芬錄

經引中庸曰宜爾室家樂爾妻孥子曰父母其順矣乎詩曰終風且暴願我則笑謔浪笑教中心是悼易曰與脫輻夫妻反目象曰夫妻反目不能正室也
不敬其夫
經引孟子曰女子之嫁也母命之往送之門戒之曰往之汝家必敬必戒毋違夫子

正一天師清微弟子 洪百堅 製作

道教學術資訊網站

母好矜誇

經引詩曰誰謂荼苦其甘如飴書曰志自滿九族乃離
常行妬忌
經引詩曰南有樛木葛藟荒之樂只君子福履綏之又曰螽斯羽詵詵兮宜爾子孫振振兮
無行於妻子

西三 沈桂芬錄

經引孟子曰身不行道不行於妻子詩曰刑于寡妻
失禮於舅姑
經引禮曰婦事舅姑如事父母雖初鳴咸盥漱以適舅姑之所及所下氣怡聲問衣燠寒疾痛疴癢而敬抑搔之出入則或先或後而敬扶持之有命應唯敬對不敢噦噫涕咳欠伸

跛倚睇視每事必請於舅姑不命適私室不敢退子婦無私貨無私畜無私器不敢私假不敢私與

箋男正乎外女正乎內夫和妻柔姑慈婦聽此天地之大義制禮之善物也易左南如脫

輻之與不能正室幾望平之月戒在征凶易

或矜此婦人而宮中絕脰或夫人不僂疾而

二南沈桂芬錄

國外稽留公羊刑于之化無聞併倨之風屢

見遺禮義棄人倫其不同禽獸者無幾耳

輕慢先靈

引論語曰慎終追遠民德歸厚矣禮曰祭不

欲疏疏則怠怠則忘又曰致愛則存致慈則

著著存不忘乎心夫安得不敬乎

箋君子生則敬養死則敬享致愛則存致慈

正一天師清微弟子 洪百堅 製作

道教學術資訊網站

則著著存不忘乎心夫安得不敬乎是以祭則受福禮孝能錫類詩若夫薦而矯誣立而跛倚類公索之亡牲家語近殷民之攘竊書豈惟鬼神不饗東之孤疾天昏左傳皆僭慢之所致也

違逆上命

引孟子曰父召無諾君命召不俟駕而行矣

二五楊慶麟敬錄

書曰方命圯族又曰率乃祖文王之彝訓毋

若爾考之違王命

箋惟天子受命于天士受命于君故君命順

則臣有順命君命逆則臣有逆命表雖然逆

命而利君謂之忠違命而不利君謂之篡子

稱詔書而不用漢律空留掛壁之文崔賈格

上令而不行遂有屯膏之事咈哉方命之繇

至於用刑左傳茲逆命之苗乃絕厥世書

作為無益

經引書曰不作無益害有益功乃成

箋書曰不作無益害有益作者創造之詞無

益多矣不可偏舉為事有所害故為無益正書

義作淫巧以蕩上心豈惟喪德拂百姓以從

己欲不獨傷財蓋作無益未有不害有益者

一百六 楊慶麟敬錄

也

懷挾外心

經引詩曰上帝臨汝無貳爾心

箋策名筮仕精白所以承休中擲事人靡他

用以自矢臣無畔質晉書婦內夫家漢書而外其

心其何貳如之左傳行姦禮於鄰主鄭下臣何

敢即安國語學積聚於衛人韓非子婦豈容

私貨禮禮有放臣詩稱棄婦良有以也

自咒咒他

經引詩曰侯詛侯咒靡屈靡究

箋指九天以為正悵望靈脩出三物以明心

咨嗟維暴驤人頗領而何傷小雅怨誹而不

亂也若遇人不淑涕泗滂沱觀閔既多寤言

標辟冀余身之有悔平公願及汝而偕亡書祇

一百七 楊慶麟敬錄

加慙耳史記惟女子與小人為難養也其謂是

乎

偏憎偏愛李傳主

經引大學曰之其所親愛而辟焉之其所賤惡

而辟焉

箋其母惡者其子釋釋音其母好者其子

抱韓非丈夫之愛憎生自婦人也豈無芒菲

之妻情親假子珠崖之義哀感傍人烈女傳亦

各其志耳漢書然而佩申生之袂已見集枯晉書

牽孺子之牛齊景公何妨折齒左傳是則偏之為害

而家之所以不齊也

越井越竈雲笈七籤離成忌曰勿越井今古大忌又云婦人勿越竈坐大忌

經引易曰改邑不改井禮曰夏之月其祀竈又

曰王為羣姓立七祀曰司命曰中雷曰國門

百六 楊慶堃敬錄

曰國行曰泰厲曰戶曰竈庶人立一祀或立

戶或立竈

箋吹簫之女載於白澤之圖白澤國曰井神曰吹簫女子白澤國黃帝時書段成式據

太真科經云井鬼名瓊老婦之盆出於淹

中之記古禮出於淹中故耿恭再拜而井水飛揚漢後

書陰氏晨炊而竈神形見同上神明之也禮越

之者有短垣而自踰之國語如陳侯之忘大德

正一天師清微弟子 洪百堅 製作
道教學術資訊網站

鄭國井堙左傳豈智伯之甚不仁晉陽沈竈晉書

赤眉無道宜折筮以咎之赤眉謂杜預汗井竈童子何

知當執戈而逐之也士句曰塞井焚竈文子執戈逐之曰童子何知

跳食跳人

經引孟子曰蹴爾而與之乞人不屑也禮曰入

國不馳

箋惟食八政之首惟人萬物之靈書故春秋

百九 楊慶堃敬錄

必記有年君子不誣十室鄭氏禮註重之故也若

夫暴殄為心狎侮自用既蹴爾於一簞復屈

人於兩膝呼首山之庚癸左傳安知稼穡之維

艱見兄弟之顛連西銘豈識一夫之予勝若小

人也足與治乎漢書

損子墮胎

經引孟子曰今人乍見孺子將入於井皆有怵

惕惻隱之心

箋人道下生通於易氣易氣從下生故畫卦

誕彌值宿應於天文抱朴子曰命之修短實由所值受氣結胎各有

宿在母不憂晉肇始揆乎皇覽蘇先生如牽

俗作連懼弗子於庚辰父不愛子謂之天地父

母之心其理同其情一也孩蟲有禁孟春猶

重其文月剗剗用刑君子諱傷其類家矧自

百十黃鉅錄

殘其骨肉乎後漢豈生有咎徵而必棄諸提

下或合而非禮以致委諸夢中左不然何用

心逆人道也漢

多行隱僻今本作

引中庸曰索隱行怪後世有述焉吾弗為之

矣又曰庸德之行

箋為不善於顯明之中者人得而誅之為不

善於幽闇之中者鬼得而誅之莊故不由明

坦之途者謂之宵人郭象宵人之心險於山

川難於知天莊隱僻乃其性也以隱僻為性

則不義以隱僻為行則無禮多行不義必自

斃多行無禮必自及也左

晦臘歌舞朔旦號怒

引書曰敢有恆舞于宮酣歌于室時謂巫風

百三黃鉅錄

論語曰吉月必朝服而朝孟子曰平旦之氣

好惡與人相近也者幾希又曰雞鳴而起孳

孳為善者舜之徒也

箋杜預左傳註曰晦月終陰之盡故以為忌

雲笈七籤曰臘日宜修齋祭祀先祖金書仙

誌戒曰勿以月朔日怒恚禁忌篇曰旦起勿

嗔恚旦下牀勿叱呼勿惡言皆見雲夫喜怒

以類者鮮矣易者實多左傳臘為終朔旦為

始吉人由之視履君子於是履端王志豈溢

喜溢怒之時乎狂者非不歌也淮南子醉者非

不怒也晉語然而死亡疾病隨之矣哀樂失時

者殃咎安得而不至耶左傳

對北涕唾及溺

引論語曰譬如北辰居其所而眾星共之

黃鉉錄

對竈吟咏及哭

引詩曰神之格思不可度思矧可射思

箋雲笈七籤禁忌篇曰凡人不可北向唾北

向尿又青律戒曰不得北向便溺觸忤玉晨

老君曰向竈罵詈三不祥禁忌篇曰勿舉足

向火對竈罵勿咨嗟呼奈何聲此名請禍特

忌之

又以竈火焚香

引論語曰錯煙改火

穢柴作食

引詩曰吉蠲為饌是用孝享

箋以夫遂取火於日周禮蕭燭用升禮導一莖

六穗於庖封禪書吉蠲音圭為饌詩故火禁掌於

司烜周禮薪蒸守諸虞人左傳古人之所慎也臭

黃鉉錄

陽達於牆屋禮豈容穢德腥聞書玉食薦於

君王尚惡勞薪作爨晉書大則鬼神弗饗小則

賓客不歡皆不敬之所致也

夜起裸露

引論語曰必有寢衣長一身有半

箋雲笈七籤說戒篇曰天尊十戒第八戒不

得裸露三光當終身奉持老君曰夜起裸形

一不祥古人處必掩身禮卧必拱手南故武

王帶之銘曰大減修容慎戒必恭恭則壽大戴

禮露而觸三光則不恭裸而冒風露則不壽

可於向晦宴息而忽之乎

八節行刑

雲笈七籤曰八節日立春春分立夏夏至立秋秋分立冬冬至

引禮記孟春之月是月也以立春先立春三

日太史謁之天子曰某日立春盛德在木天

西黃鉉錄

子乃齋仲春之月命有司省囹圄去桎梏是

月也日夜分仲夏之月挺重四益其食是月

也日長至仲秋之月乃命有司中嚴百刑斬

殺必當是月也日夜分仲冬之月日短至陰

陽爭諸生蕩君子齋戒安形性事欲靜以待

陰陽之所定

箋真誥協昌期曰八節之日當齋戒謀諸善

正一天師清微弟子 洪百堅 製作

道教學術資訊網站

事以營于道之方也慎不可以其日忿爭喜

怒及行威刑皆天人大忌為重罪也雲笈七

籤曰凡八節之日是上天八會大慶之日也

金書仙誌戒曰勿以八節日行威刑蓋順時

之法

後漢書王者所遵賊莽春夏斬人亡新由

是忽焉

王莽傳建安寬綏詔絕後漢立春下寬大詔書罪非殊

死一切勿案建安二十二年二月立漢室由

西黃鉉錄

是襄焉若刑不須時是謂變天之道絕地之

理亂人之紀必有天殃者也

唾流星指虹蜺

蜺音

輒指三光久視日月

引禮記曰王宮祭日也夜明祭月也幽宗祭

星也詩曰蝦蟇在東莫之敢指

箋天事恆象

國語左傳

失度為飛流張晏曰飛星

曰飛絕迹而去二氣為虹蜺淮南子曰天敬也流先迹相連

天之渝無敢馳驅詩况敢唾而指之乎追誦
蝦蟇之章以為太息

箋雲笈七籤養生延命錄曰凡小兒不用令

指月兩耳後生瘡名月食瘡又曰勿怒目久

視日月使目睛失明天有三辰地有五行日

合於天統月合於地統斗合於人統五星合

於五行三統故王者父天母地兄日姊月考

西王黃鉉錄

緯類于上帝宜于社禮禋于六宗書精意以

享周敬之至也不敬三光是不敬天地也河

圖帝視萌曰帝視萌河侮天地者凶可不懼

乎

春月燎獵

引禮曰國君春田不圍澤又曰豺祭獸然後

田獵鳩化為鷹然後設罝羅草木零落然後

詞館分篇本太上感應篇引經箋注

正一天師清微弟子 洪百堅 製作

道教學術資訊網站

入山林

箋爾雅宵田為燎郭氏謂夜獵載鑪照也蔡

邕月令章句曰獵者捷取之名也昆蟲未蟄

王制有大田之禁禮弋不射宿聖人垂愛物

之心蒐不以時曰傷天和田不以禮曰暴天

物禮燎獵畢弋管子所謂無道之君也四稱

豈於物也而可忽諸

西王黃鉉錄

對北惡罵

引論語曰獲罪於天無所禱也

箋雲笈七籤禁忌篇曰凡人勿北向唾罵犯

斗罡神金書仙誌戒曰勿北向唾罵犯破毀

王破謂歲下辰也王謂王炁之所在也

無故殺龜打蛇

引禮曰麟鳳龜龍謂之四靈

箋雲笈七籤禁忌篇曰大凡一切翹飛蠢動

不可故殺傷損至於龜蛇異於他族殺有靈

者或陰精害人深當慎之之二蟲者居於牢

路淵名龜所居見莊子出自泉宮南龜卻而東龜前

禮外蛇關而內地死左傳皆能通元王而見夢

龜策負涸澤而為神韓非倘屬異十朋易爾雅

橫遭剝剝莊子類非岐首輒見推埋列女豈

西天周壽昌錄

仁人君子之用心乎孔瑜之功章於鑄印後賢

傳隋侯之德報在銜珠按神竊謂作不善

者反是

如是等罪司命隨其輕重奪其紀算盡則死

死有餘責乃殃及子孫

箋春秋緯佐助期曰司命神名滅黨長八尺

小鼻望羊多鬚癯瘦通於命運期度後漢書張衡傳

正一天師清微弟子洪百堅製作

道教學術資訊網站

註風俗通曰今民間祀司命刻木長尺二寸

為人像行者擔篋中居則作小屋汝南餘郡

亦多有皆祠以腊率以春秋之月曲禮曰君

子曰終小人曰死鄭氏曰死之言漸也事卒

為終消盡為漸言算與形骸俱盡也

箋易文言曰積不善之家必有余殃虞仲翔

據納甲卦氣之說而申之曰坤積不善以乾

西天周壽昌錄

通坤極姤生巽為餘殃陽極姤生履霜堅冰

猖蹶而活先人餘烈貞良而已先人餘殃說

天之道也

箋抱朴子據道戒曰若乃憎善好然口是心

非背向異辭反戾直正虐害其下欺罔其上

叛其所事受恩不感弄法受賂縱曲枉直廢

公為私刑加無辜破人之家收人之寶害人

之身取人之位侵剋賢者誅戮降伏訪誦聖
賢傷殘道士彈射飛鳥剗胎破卵春夏燎獵
詈罵神靈教人為惡蔽人之善危人自安仇
人自功壞人佳事奪人所愛離人骨肉辱人
求勝取人長錢還人短陌決放水火以術害
人迫脅尫弱以惡易好強取強求虜掠致富
不公不平淫佚傾邪凌孤寡拾遺取施欺

聖

李文田錄

偽誑詐好說人私持人短長牽天援地呪詛
求直假借不還換貸不償求欲無已憎拒忠
信不順上命不敬所師笑人作善敗人苗稼
損人器物以窮人用以不清潔飲飼他人輕
秤小升狹幅短度以偽雜真採取姦利誘人
取物越井跨竈晦歌朔哭凡有一事輒是一
罪隨事輕重司命奪其紀算盡則死但有

正一天師清微弟子 洪百堅 製作

道教學術資訊網站

惡心而無惡迹者奪算若惡事而損於人者
奪紀若紀算未盡而自死者皆殃及子孫也
又諸橫取人財者乃計其妻子家口以當之漸
至死喪若不死喪則有水火盜賊遺亡器物疾
病口舌諸事以當妄取之直

經大學曰貨悖而入者亦悖而出又曰仁者
以財發身不仁者以身發財

聖

李文田錄

箋抱朴子據道戒曰諸橫奪人財物者或計
其妻子家口當填之以至死喪但不即至耳
其惡行若不足以煞其家人者久久終遭水
火劫盜及遺失器物或遇縣官疾病自營醫
藥烹牲祭祀所用之費要當令足以盡其取
之直也

又枉殺人者是易刀兵而相殺也

經引孟子曰殺人之父人亦殺其父殺人之兄人亦殺其兄然則非自殺之也一聞耳

箋孟子所謂一聞公羊所謂推刃也

取非義之財者譬如漏脯救飢鴆酒止渴非不暫飽以亦及之

經引論語曰見得思義孟子曰飢者甘食渴者甘飲是未得飲食之正也飢渴害之也人能

西聖 李大田錄

無以飢渴之害為心害則不及人不為憂矣
箋抱朴子據道戒曰道家言枉殺人是
以兵刃而更相殺其取非義之財不避怨恨
若以漏脯救飢鴆酒解渴非不暫飽而亦
及之又良規篇曰無異乎渴者之資口於雲
日之酒飢者之取飽於鬱肉漏脯也雲日即
運日鴆鳥也

正一天師清微弟子 洪百堅 製作

道教學術資訊網站

夫心起於善善雖未為而吉神已隨之或心起於惡惡雖未為而凶神已隨之

經引中庸曰君子戒慎乎其所不睹恐懼乎其所不聞莫見乎隱莫顯乎微故君子慎其獨也易曰幾者動之微吉凶之先見者也

箋老君曰無謂幽冥天知人情無謂闇昧神見人形心言小語鬼聞人聲犯禁滿千地收

西聖 李大田錄

人形養性延命錄曾子曰人而好善福雖未至禍

其遠矣人而不好善禍雖未至福其遠矣徐

論關尹子曰心蔽吉凶者靈鬼攝之心蔽男

女者淫鬼攝之心蔽幽憂者沈鬼攝之心蔽

放逸者狂鬼攝之心蔽盟詛者異鬼攝之心

蔽藥餌者物鬼攝之彼以其精此以其精兩

精相搏則神應之久之或歿木或歿金或歿

繩或舛并蓋神體物而不遺心隨感而輒動
吉凶善惡之間可不慎哉

其有曾行惡事後自改悔諸惡莫作衆善奉行
久久必獲吉慶所謂轉禍為福也

經引孟子曰雖有惡人齋戒沐浴則可以事上
帝易曰君子以見善則遷有過則改又曰震
无咎者存乎悔

真經

李文田錄

箋抱朴子據道戒曰及其有曾行諸惡事後
自改悔者若曾枉殺人則當思救濟應舛之
人以解之若妄取人財物則當恩施與貧乏
之人以解之太平廣記九十六卷引酉陽雜
俎曰釋道欽住陞山有問道者率爾而對皆
造宗極劉忠州晏常乞心偈令執爐而聽再
三稱諸惡莫作衆善奉行晏曰此三尺童子

正一天師清微弟子 洪百堅 製作

道教學術資訊網站

皆知之欽曰三尺童子皆知之百歲老人行
不得至今以為名理夫人有禍則心畏恐心
畏恐則行端直行端直則思慮熟思慮熟則
得事理行端直則無禍害無禍害則盡天年
得事理則必成功盡天年則全而壽必成功
則富與貴全壽福之謂福而福本於有禍非韓
子易曰不遠復無祇悔元吉此之謂也

真經

李文田錄

故吉人語善視善行善一日有三善三年天必
降之福凶人語惡視惡行惡一日有三惡天必
降之禍胡不勉而行之

經引易曰善不積不足以成名惡不積不足以
滅身小人以小善為無益而弗為也以小惡
為無傷而弗去也故惡積而不可掩罪大而
不可解中庸曰或安而行之或利而行之或

勉強而行之及其成功一也

箋 註吉人為善惟日不足凶人為不善亦惟日不足書視聽言動皆是也善無近福抱朴故以三年為斷惡不言三年者凶人不終禍之至也何日之有皆見左傳末復言此勉人及時遷善改過也

李文田錄

正一天師清微弟子 洪百堅 製作

道教學術資訊網站

宋藝文志有太上感應篇一卷其大旨言天道福善禍淫與抱朴子所述下鈴經易內戒諸書相近蓋亦古籍之幸存者也夫餘慶餘殃之說著於周易天人相應之理備於春秋此篇雖道家之書而實不悖乎儒家之旨董仲舒曰天人相與之際甚可畏也後世儒者不信此說洪範五行傳且斥爲荒誕於是篇乎何有故自宋以來雖流傳不絕不過閭巷細民共相誦習而士大夫輒鄙薄之其注釋諸家亦多淺陋邱里之言無當大雅惟國朝惠定宇先生以經師碩儒而注此書微引淵博文宇雅馴然余猶惜其多用駢詞有乖注體且原文明白

感序

易曉初不待注而明惟宜附以經義證以秦漢古書使人知其與儒書表裏不啟鄙夷自然敬信奉行於身心有益余於惠氏無能爲役一知半解掇拾其所未備所已及者則從容焉因非注體故援宋杜道堅支子續義之例題曰太上感應篇續義卷帙頗重釐爲上下二卷用自修省以爲息黜補則之方樂善不倦之君子儻有取乎同治十有一年十有二日德清俞樾